



皇明教閣詞林記叙

皇明賜進士 經筵日講同修 國史奉直大夫前翰林院侍講學士 臣 廖道南謹撰

夫詞林奚始也周官太史掌六典以辨  
法內史掌八柄以詔治凡學世子及學  
士必時上下交脩內外交養所以爲國  
本記者重且大也漢置太史令凡供奉  
承明侍詔金馬者胥麗焉唐設學士兼  
講讀弘文閣館麗正創院集政揮翰延



英召對厥儀始備至宋昇彬彬然盛矣  
祥符昇建龍圖閣天禧昇建天章閣嘉  
祐昇建寶文閣元符昇建顯謨閣大觀  
昇建徽猷閣紹興昇建敷文閣淳熙昇  
建煥章閣慶元昇建華文閣嘉泰昇建  
寶謨閣寶慶昇建寶章閣咸設學士以  
典

奉代王言可不謂重且大乎我

高皇帝法周建官倣宋建閣初創翰林院  
以陶安宋濂爲學士建華蓋諸殿以劉  
仲質全思誠爲大學士又增設弘文館  
學士以劉基等爲之左右春坊大學士  
以董倫等爲之肆我

成祖開文淵閣以解縉胡廣楊士奇等七  
人預機務

仁宗復知文館以楊溥陳繼王璉等五人

備顧問纂修

實錄即右史紀動也表章

寶訓即左史紀言也撰擬制誥演潤絲綸  
掄材秘省校藝禮闈即太史掌典內史  
掌柄也上而啓沃

經筵贊襄

聖神夾輔

儲宮弼亮

元良其所繫者至重且大非諸司儼也凡

遇

御殿慶成昇令列坐于殿上

御門視朝昇令侍立于金牀是故大學士  
學士之官尤重且大焉我

皇上紹帝王鴻烈光

祖宗舊制肇

御無逸殿昇命大學士坐講錫宴函風亭

昇命學士坐饗陪祀土穀壇昇命學士  
分直

臨幸大學昇命學士侍坐聽講明禋  
園立昇命學士輪班視牲捧

勅天門昇親承

玉音起草禁籞昇密觀

龍顏晉錫駢蕃

宸慈豐渥誠百王所未有千載所罕遇也

臣道南自弱冠登第首被

簡注紆琚人館荐荷

寵渥編摩史垣獻納

講幄幾二十年

顯陵甘露降昇錫以寶器

泰時卿雲見昇貺以瑶篇徽士召還

平臺祗謁昇賚以金綺

內殿捧主禁掖修書昇勞以珍饌

聖心淵軫

御劄咨詢有同館諸儒所不獲與而

特眷焉者答李肇撰翰林志祇載唐事周

必大撰玉堂記史繫宋典臣道南嘗讀

中秘書與泰泉黃君佐纂翰林雜記六

冊暨屏居楚野恭撰

與都通紀之暇乃列華蓋武英諸殿名曰

殿學文淵東閣名曰閣學其無六部者

名曰部學晉詹事者名曰宮學長春坊

者名曰坊學屬弘文者名曰館學典成

均者名曰廡學繇寺署者名曰卿學死

節義者名曰贈學擅翰書者名曰藝學

而終始本院者鼎名之曰院學夫士知

所以自重然後能任天下之重矧茲秩

至重且大矣乎自周以來上下數千載

宅茲者又數百十其上不負

天子下不負所學者一代不數人而已若夫知幾三長泰和四齒表崧又難荀悅又志闕一匪通儒也故曰宰相須用讀書人翰林當以宿儒處圖政本者允宜深長思焉

嘉靖乙巳秋九月菊日謹書于金紫山中  
之玄華洞

序畢

皇明殿閣詞林記目錄

一卷

書林就正齋詹氏原本刊行

○殿學記

○武英殿大學士吳伯宗。江西金谿縣人

○華蓋殿大學士劉仲質。江西分宜縣人

○文華殿大學士鮑恂。浙江嘉興縣人

○文華殿大學士全思誠。松江上海縣人

○華蓋殿大學士楊士奇。江西泰和縣人

○謹身殿大學士楊榮。福建建安縣人

○武英殿大學士金幼孜。江西新淦縣人



○武英殿大學士黃 淮○浙江永嘉縣人  
○武英殿大學士楊 溥○湖廣石首縣人  
○華蓋殿大學士張 瑛○直隸邢臺人  
○謹身殿大學士陳 山○福建沙縣人  
○文華殿大學士權 謹○直隸徐州人  
○華蓋殿大學士陳 循○江西泰和縣人  
○謹身殿大學士高 穀○揚州興化人  
○謹身殿大學士王有文○保定東鹿人  
○華蓋殿大學士徐 貞○蘇州吳縣人

二卷

○殿學記

○華蓋殿大學士李 賢○河南鄧州人  
○謹身殿大學士商 輅○浙江淳安人  
○華蓋殿大學士萬 安○四川眉州人  
○華蓋殿大學士劉 吉○直隸博野人  
○華蓋殿大學士徐 溥○常州宜興人  
○武英殿大學士立 濟○廣東瓊山人  
○華蓋殿大學士劉 健○河南洛陽人  
○華蓋殿大學士李東陽○胡廣茶陵人  
○謹身殿大學士焦 芳○河南泌陽人



武英殿大學士王 鏊。蘇州吳縣人。  
武英殿大學士靳 貴。鎮江丹徒人。  
謹身殿大學士蔣 冕。廣西全州人。  
華蓋殿大學士楊一清。雲南安寧人。

二卷

閣學記

文淵閣大學士宋 納。大名滑縣人。  
文淵閣大學士朱 善。江西豐城人。  
東閣大學士 吳 沉。浙江金華人。  
文淵閣學士兼左春坊解 縉。世居馮門遂為吉水人。

文淵閣大學士胡 廣。江西吉水人。  
吏部侍郎兼學士曹鼎。真定寧晉人。  
文淵閣大學士彭 時。江西安福人。  
文淵閣學士階兵部尚書黃鳳陽定遠人。  
文淵閣學士贈禮部尚書馬愉山東臨朐人。  
文淵閣學士贈戶部尚書江 淵四川江津人。  
文淵閣學士贈禮部尚書許彬。山東寧陽人。  
文淵閣學士階禮部右侍郎薛瑄。山西河津人。  
文淵閣學士兼右春坊大學士呂原。浙江秀水人。  
文淵閣學士贈禮部尚書王 寧。浙江仙居人。

- 文淵閣學士階戶部尚書蕭鏞 ○江西泰和人
- 文淵閣大學士陳文 ○湖廣茶陵人
- 文淵閣學士階兵部尚書尹直 ○江西泰和人
- 文淵閣學士階禮部尚書彭華 ○江西安福人
- 文淵閣學士贈禮部尚書劉定文 ○江西永新人
- 文淵閣大學士劉珩 ○山東壽光人

四卷

○院學記

- 翰林院學士封姑孰郡公陶安 ○太平當塗人
- 翰林院學士朱升 ○徽州休寧人

- 翰林院學士宋濂 ○浙江金華人
- 翰林院學士劉三吾 ○湖廣茶陵人
- 翰林院侍讀學士張以寧 ○河南固始人
- 翰林院侍讀學士李紳 ○
- 翰林院直學士陳鏗 ○浙江奉化人
- 翰林院侍讀學士秦裕伯 ○景容大名
- 翰林院侍講學士潘廷堅 ○太平當塗人
- 翰林院侍講學士葛鈞 ○
- 翰林院侍讀學士王達 ○常州無錫人
- 翰林院學士王景 ○浙江松陽人

○翰林院學士 簡從善。河南磁州人。  
○翰林院侍講學士周叙。江西吉水人。  
○翰林院侍講學士 曾鶴齡。江西泰和人。  
○翰林院侍講學士黃諫。陝西蘭縣人。  
○翰林院侍讀學士吳希賢。福建莆田人。  
○翰林院侍講學士 曾彥。江西泰和人。  
○翰林侍讀學士徐 穆。江西吉水人。

五卷

○部學記

○學士承旨兼吏部尚書詹同。徽州婺源人。

○學士晉兵部尚書樂韶鳳。滁州全椒人。  
○侍講學士兼禮部侍郎蔣 驥。浙江錢塘人。  
○吏部尚書兼學士王直。江西泰和人。  
○禮部尚書兼侍講學士王英。江西金谿人。  
○學士拜禮部侍郎 錢習禮。江西吉水人。  
○學士拜禮部侍郎李紹。江西安福人。  
○學士拜禮部侍郎倪謙。應天上元人。  
○侍讀學士晉南京吏部尚書錢溥。直隸華亭人。  
○侍讀學士晉禮部尚書周洪謨。四川長寧人。  
○侍讀學士晉禮部尚書李本。四川富順人。

○學士晉學吏部尚書王 儼。常州武進人。

○學士晉工部尚書謝一夔。江西新建人。

○學士晉禮部尚書徐瓊。江西金谿人。

○禮部侍郎兼學士汪諧。浙江仁和人。

○學士晉禮部尚書倪岳。應天上元人。

○學士晉禮部尚書傅瀚。江西新喻人。

○學士晉禮部尚書李傑。蘇州常熟人。

○侍讀學士晉禮部尚書張昇。江西南城人。

○侍講學士晉工部尚書董越。江西寧都人。

○侍讀學士拜禮部侍郎費閏。鎮江丹徒人。

○禮部尚書兼學士吳寬。蘇州長洲人。

○侍講學士拜南京吏部尚書楊守陸。浙江郵縣人。

○侍讀學士晉南京兵部尚書張濬。廣西全州人。

○學士晉南京禮部尚書江瀾。浙江仁和人。

○侍讀學士拜禮部侍郎馬濟。四川西充人。

○學士晉禮部尚書白鉞。真定南宮人。

○學士晉禮部尚書傅 珪。保定清苑人。

○侍講學士晉禮部尚書吳 儼。常州宜興人。

○學士晉禮部尚書毛澄。直隸大倉人。

○館學記

○弘文館學士封誠意伯劉伯溫○浙江青田人

○弘文館學士羅復仁○江西吉水人

○弘文館學士危素○江西金谿人

○宮學記

○左春坊大學士董倫○順天宛平人

○左春坊大學士李奎剛○浙江寧海人

○左春坊大學士魯滌○江西永豐人

○詹事兼侍讀學士李泰○順天香河人

○詹事兼侍讀學士李瑄○浙江鄞縣人

○少詹事兼學士柯潛○福建莆田人

○詹事兼學士程敏政○徽州休寧人

○詹事兼侍讀學士陸簡○常州武進人

○吏部侍郎兼學士詹事府張元禎○江西南昌人

○禮部尚書兼學士劉春○四川巴縣人

○禮部尚書兼學士李遜○河南上蔡人

○麗學記

○侍讀學士拜祭酒魏觀○武昌蒲圻人

○學士拜祭酒李時勉○江西安福人

○侍講學士署祭酒邢寬○直隸無為洲

○侍講學士拜祭酒陳詢。○直隸華亭人。  
○侍讀學士拜祭酒陳鑑。○直隸長洲人。  
○寺學記

○直學士兼太常卿范常。○滁洲人。  
○侍講學士拜太常卿高巽志。○徐州蕭縣人。  
○太常少卿兼侍讀學士林文。○福建莆田人。  
○太常少卿兼侍讀學士劉儼。○江西吉水人。  
○太常卿兼侍讀學士孫賢。○河南杞縣人。  
○太常卿兼侍講學士吳節。○江西安福人。  
○太常卿兼侍讀學士王獻。○浙江仁和人。

○侍講學士兼太常卿張芮。○山西安邑人。  
○太常少卿兼侍講學士楊時暘。○陝西咸寧人。

○藝學記

○侍講學士 沈 度。○松江華亭人。  
○侍講學士 武周文。○北平大興人。  
○太常少卿兼侍讀學士金 問。○蘇州吳縣人。  
○侍講學士拜祭酒劉鉉。○直隸長洲人。

○贈學記

○贈學士謚文節王 禕。○浙江義烏人。  
○太常寺卿兼翰林學士董學澄。○江西分宜人。

○ 夏淵閣侍讀李茂孝博去孝孺。○ 浙江寧海人  
○ 贈學士謚文僖張益。○ 蘇州吳縣人  
○ 贈學士謚忠愍劉球。○ 江西安福人

七卷

○ 國初宮詹等附

○ 常詹事府事韓國公李善長。○ 鳳陽定遠人  
○ 詹事兼兵部尚書唐鐸。○ 鳳陽人  
○ 御史中承兼太子賓客章溢。○ 浙江龍泉人

八卷

○ 國初史館附

○ 修撰禮部尚書朱夢炎。○ 江西進賢人  
○ 修撰兼太平堂侍制王傑。○ 河南祥符人  
○ 修撰孔克表。○ 浙江平陽人  
○ 修撰劉泰。○ 山東淄川人  
○ 修撰趙新。○ 浙江樂清人  
○ 修撰李叔允。○ 河南鈞州人  
○ 修撰谷祿與權。○ 先胡人後居河南永寧人  
○ 起居注熊鼎。○ 江西臨川人  
○ 編修蘇伯衡。○ 浙江金華人  
○ 編修王廉。○ 浙江青田人

○編修 張美和 ○江西臨江人

○編修 高啓 ○蘇州長洲人

○編修 傅藻 ○浙江義烏人

○編修 孫興作 ○常州江陰人

○編修 張宣 ○常州江陰人

○編修 董琰 ○江西樂安人

○編修 桑慎 ○浙江嘉興人

○英雜言諸集

○編修 王釐 ○江西鄱陽人

○編修 羅公願 ○浙江青田人

○編修 蔣敬

○編修 朱右 ○浙江臨海人

○編修 張翀 ○河南人

○編修 張唯 ○江西永豐人

○編修 王璉 ○山東長沙人

九卷

○殿閣 ○親擢 ○視事 ○幾務 ○擬旨 ○密疏

○會議 ○繕寫 ○書辨 ○閣禁 ○叅見 ○弘文

○東閣

十卷



十卷  
○文華。○文淵。○東閣。○公署。○考選。○教書。  
○考藝。○齊宮。○竒童。○窓蔭。○添設。○舉官。  
○諸科。○考貢。○校職。○汰吏。○外補。○召試。  
○官制。○官銜。○職掌。○詹事。○春坊。○司經。  
○制誥。○銜箴。○公署。○朝房。○史館。○視篆。  
○文移。○序秩。○會坐。

十一卷  
○朝參。○侍宴。○燕會。○殿班。○奏事。○便殿。  
○入直。○宿直。○侍遊。○燕和。○召對。○召見。

十二卷  
○宸翰。○制誥。○表箋。○應制。○視草。○褒答。

十三卷  
○殿策。○殿試。○會試。○復試。○鄉試。○試錄。  
○程試。○武舉。○評文。○正體。○奏啓。○記錄。

十四卷  
○經筵。○月講。○日講。○咨講。○呈講。○入直。  
○趨召。○陳說。○恩賚。

十五卷  
○顧問。○責難。○將順。○調停。○論薦。○申採。

○匡弼○納言○計慮○籌邊○條疏○出使  
○効諍○旌直

十七卷

○秘書○開局○監修○總裁○纂修○催纂  
○稽考○謄寫

十八卷

○奏績○遷轉○貶恩○改調○謫遣○起用  
○起復○清黃○閱武○稽課○譯課○給假  
○休告○侍養○迎養○養痾○辭職○致仕  
○宥過○宥親○擬謚○卹典


殿閣詞林記卷之一

殿學

武英殿大學士吳崇

吳伯宗名祐以字行撫州金谿人父儀元鄉貢進士  
伯宗生而岐嶷十歲通舉子業識者竒之嘆曰此兒  
玉光劔氣終不可掩洪武庚戌鄉試辛亥廷試俱第  
一是時初議開科取士命國子祭酒魏觀博士孫吳  
與修撰王傑為讀卷官

高皇帝親製策問畧曰古者敷奏以言明試以功漢  
之賢良宋之制舉得人為盛今特延子大夫于廷不



知古帝王敬天勤民其道何繇伯宗條對稱旨  
上擢為第一賜袍笏冠服授承直郎禮部員外郎命  
與學士宋訥等同修日曆時丞相胡惟庸專橫伯宗  
性剛直不屈惟庸銜之八年坐貶鳳陽伯宗上疏論  
時政因指斥胡惟庸罪狀不宜獨任以政恐滋久為  
國大蠹辭甚切直

上覽其奏即召還賜襲衣鉞錠奉賜安南獲馴象方  
物以歸獻之改國子助教十二年進講東宮首陳正  
心誠意之學

皇太子嘉納明年改典籍御試以十題命賦詩伯宗

筆立就風格峻絕

上大稱賞賜織金錦衣十四年遷太常丞不拜十五  
年又以為國子司業又不拜忤旨貶陝西金縣教諭  
行至淮召還以為檢討拜武英殿大學士十二年冬  
至第仲宴為三河令薦舉不以實坐是復降檢討卒  
伯宗為人溫厚貞諒而不苟媿姻故屢獲罪所著有  
南宮集使交集成均玉堂諸稿廖道南曰橋林之枝  
風折之殘當衢之闌物踐之傷若伯宗者以忤為庸  
竟坐貶斥其直氣勁操屢折不回說者以為開科第  
一人名德俱稱非耶贊曰矯矯烈士大廷之魁俛俛

直節君子之才積忤權臣乃遭奇禍人亦有言義不可過歷數往哲如君幾人誰其繼之一峯羅倫

華蓋殿大學士劉仲質

劉仲質字文質袁州分宜人敏而好學博通經史洪武初為宜春訓導被薦入詞垣奏對稱旨授文林郎歷遷禮部尚書十五年四月詔天下通祀孔子增學校及師生廩膳

上謂質曰孔子明帝王之道以教後世使君君臣臣父父子子綱常以振彝倫攸叙其功參于天地今天下郡縣廟學並建而報祀之禮止行京師未遍天下

豈非闕典耶卿與儒臣共定釋奠禮儀班之天下每歲春秋仲月通祀孔子是年十一月戊午倣宋嚴閣大學士之制以仲質為華蓋殿大學士宋訥為文淵閣大學士吳伯宗為武英殿大學士吳沉為東閣大學士

上親製誥文賜仲質曰朕閱宋書見尚文之美崇儒之道廓焉且當時諸儒皆以賢德輔景運三百有奇焉今特倣宋制嚴閣之名必期近侍有補文並歐蘇爾仲質才頗稱任授以華蓋殿大學士奉議大夫爾往欽哉未幾質坐事降御史時有邵質亦為大學士

質為人篤厚文多質實如其人云廖道南曰予讀國  
史乃知做宋殿閣大學士之制設華蓋文華武英文  
淵東閣大學士以崇文儒以備顧問及觀宋  
聖祖御製文集乃見所謂華蓋劉仲質文淵朱訥之  
誥於乎休哉重矣或者漫不知攷乃云創自永樂是  
又可駭也贊曰端明龍圖寶謨煥章自宋已然文運  
隆昌高皇作則乃建殿閣嗟乎仲質耆儒宿學宿學  
耆儒公輔之儲禮文寵重其究何如

文華殿大學士鮑恂

鮑恂字仲孚其先嘉興人元至治間始遷崇德之干

乘鄉恂沉悟淵穎受易于臨川吳幼清深有所得  
大易傳義泰定元統省試第一人至正中由鄉薦授  
温州路學正改教婺州御史劉芳博薦其學有原本  
為世儒宗洪武初以明經徵為文華殿大學士輔導  
皇太子暨皇太孫固辭歸隱與貝瓊結詩社所著有  
西溪稿云廖道南曰漢高欲立趙王如意留候乃為  
呂后畫策招致四皓以輔翌之矧洪武建極即創大  
本堂以教太子乃蒲輪玄纁聘耆儒視古帝王之  
禮三老五更何如耶不知恂詮長年將何以畀之耶  
贊曰浙水之南寔惟桐江咄咄子陵高尚鮮雙浙水

之北冥惟構李矯矯德輿才名罔儷江風山月白雲  
紫芝德輿為友子陵為師

文華殿大學士全思誠

全思誠字希賢松江上海人博雅宏粹少負文名洪  
武十六年以耆儒徵授文華殿大學士賜敕致仕其  
辭曰朕觀古人有志之士雖髮白氣衰心猶不怠故  
能善其始終垂芳史冊卿懷才抱德志肩古人朕甚  
嘉焉惜乎年迫衰暮志雖存而力不能任朕不忍服  
勞特命卿還鄉里以撫子孫享其奉養不亦悅乎時  
又有全詮湖州安吉人張長年高郵人張紳山東登

州人俱年七十餘禮部主事劉庸薦詮等明經通達  
治躰遣使徵之恂詮長年先至上見之甚喜賜坐顧  
問終日俱命為文華殿大學士詮等固辭

上曰朕以卿等年高故授此職以輔導太子爾免卿  
早朝日晏而入不久當從其志庶不負卿等平生所  
學而鄉里亦有光矣卿何辭焉恂等復固辭翌日放  
還紳後至以為鄂縣教諭廖道南曰粵自商山茹芝  
其鴻寥落上下千載數人而已全誠賜敕恂詮被冠  
龐眉皓首安車蒲輪雖竹帛所書圖畫所傳何以加  
焉贊曰采上紫芝英上白雲葆光凝和脫垢疑氛既

樂且康眉壽黃耇國之耆龜號稱大老康侯書接天子榮之貌矣高風為世所師

華蓋殿大學士楊士奇

楊士奇名寓以宇行江西泰和人曾祖景行仕元為待制景行生榮上生子將子將生士奇士奇幼孤力學越章貢浮琴江臚鄂渚登黃鶴與蔣德溪子立恭遊西山慨然有幽人貞士之志已而應奉翰林授王府審理靖難兵起約借周是修諸人死難是修溢于尊經閣士奇不往

文皇履極擢國史編修簡入文淵閣進侍講兼春坊

中允轉左諭德永樂二年撰文華殿講義

上諭曰先儒謂堯典一章大學全書皆且宜其然乎士奇對曰堯舜禹湯文武數聖人凡修諸身施諸家國天下者皆大學之道也

上曰帝王之道貴切已實用故孟子道性善言必稱堯舜爾等講說理性當證諸古人以牖朕衷焉是歲饒州士人朱季友獻所著書詆訾濂洛諸儒士奇謂焚其書毋使惑眾二年命侍

東宮講學士奇撰易本義要旨以進

皇太子悅賜名周易直指因閱真氏文章正宗諭士

竒曰德秀學術純正如此對曰德秀所著大學衍義  
為君者不可不知為臣者不可不知君臣不知此義  
為治皆苟而已又閱歐陽修文集喜其奏議懇切令  
贊善陳濟校正諭士竒曰為文不本大道斯無用之  
文為臣不能正言斯不忠之臣如歐陽子無忝矣廬  
陵有君子爾其免之又間與贊善王汝玉論詩問士  
竒曰古人詩法何如士竒曰詩以言志明良喜起之  
歌南薰解阜之詩唐虞之君之志尚矣后世若漢高  
帝大風歌唐太宗雪耻除兇詩徒尚羈力皆非王道  
至於漢武帝秋風辭及隋湯帝陳後主所為詩則

世之戒也五年廣東布政徐竒入覲遍賂要津獨不  
及士竒

文皇知之召士竒謂曰為臣當戒私父為士當務恭  
順爾其懋諸六年冬車駕巡狩北京命士竒輔監國  
于南京九年三月朔

上御右順門召士竒問曰汝輔監國最久東宮所行  
如何對曰皇太子天資甚高非人所能及事宗廟謹  
祭祀可以觀孝遇進表箋及諸儀物于行在必躬必  
親可以觀敬且有過未嘗不知上之未嘗不改其用  
人以愛人為本不輕任匪人直宗社之福也又問高



昞奪敵之謀信否士奇對曰臣與蹇義同事東宮匪見之真不敢妄對漢王初封于滇不知之也改封于青又不知之也茲聞徙都北京彼欲留守南京其意可知已

上默然還宮庶知高昞罪狀即褫其衣冠繫之且削其護衛徙封樂安州十一年十二月歲除欽天監奏明年元旦日有食之禮部請朝賀如常儀士奇曰日食天變之大者宋仁宗時元日日食富弼請罷宴撤樂呂夷簡不從後聞契丹免賀仁宗悔甚臣愚以為宜免賀

上曰君子愛人以德其如士奇議乃加左春坊大學士十四年十一月周王楚王來朝命士奇議謁陵禮士奇曰二王尊屬也皇太子太孫嫡宗也二王當居前分為兩行太子當于二王之後之中太孫又于太子之後之中諸孫班視太孫行視二王此非臣之臆見也朱熹家禮之序也

上出儀注于袖中與士奇合十二月壬申歷代名臣奏議成

上命刊賜皇太子太孫諭士奇曰致治之道千古一揆君能納善臣能盡忠天下未有不治朕觀是書見

當時人君之量人臣之直為君者以前日之事為今  
事為臣者以古人之心為已心天下國家之福也二  
十二年八月

仁宗繼統進太子少傅禮部侍郎兼華蓋殿大學士  
上見士奇陞謁謂尚書夏原吉曰新華蓋來必自有  
說士奇奏 恩詔甫下析薪可傳旨賦東於山東河  
南以供香炭至八十餘萬民何以堪

上喜曰吾固知爾言中理即殺其半會禮部尚書呂  
震題請釋服易吉元旦用樂士奇以為不可兵部尚  
書李度建請朝覲官員宜給養官馬士奇又以為不

可尚書蹇義論事偶及舊侍御史舒仲成李祥欲建  
問之士奇曰以為不可大理卿盧謙少卿弋謙各上  
封事過激

上又怒左遷盧謙為少卿免弋謙朝參而以屬吏楊  
時習代盧謙士奇又力爭以為不可

二

上皆霽威從之諭曰為君以受直言為賢不受直言  
則過益深為臣以能直言為賢不能直言則忠不盡  
朕自今行有未當卿當盡心言之賜之銀章一曰繩  
愆糾繆諭曰卿祇事先帝二十餘言又事朕于春宮  
朕今嗣位凡軍國重務協心贊輔或群臣有言未之

能從卿有言未之悉從宜用茲印密疏以聞君臣之間盡誠相與庶幾朝無闕政民無失所而祖宗付托之重亦不負矣士奇遂密疏言事

上褒答曰卿助朕以德期朕為唐虞主真股肱臣也卿勿以朕尊居宸極或有所畏而不之盡言繼自今其知無不言洪熙元年正月陔禮部尚書兼職如故賜天元王曆賦諭曰天道人事未嘗判殊有動于此即應于彼朕少侍

皇祖教以慎修敬天未嘗敢怠是書言簡理當左右輔臣亦當知之四月既望

上御奉天門召蹇義夏原吉楊榮及士奇諭曰夜來星變卿等知之乎乃嘆曰天之命也夫勅士奇曰國家肇建兩都庶務孔殷卿侍朕監國籌畫適中屢歷艱虞忘身殉國茲特賜爾牙章文曰貞一用傳厥家與國咸休宣德元年高煦叛  
宣宗親征罪人既得師既旋大學士陳山請乘勝乘執趙王楊榮力贊之

上命士奇草勅士奇曰勅旨以何為辭榮山咸曰汝敢沮撓大事乎士奇曰

太宗三子惟趙王在且

上親叔也有罪者既不可赦無罪者亦當加厚庶幾  
仰慰在天之靈

上聞之不懌還京始召士奇問曰人言趙王滋眾奈何  
士奇對曰趙王懿親當思保全毋惑群言悔之何  
及

上曰朕業已思之於是檢群臣章疏命廣平侯袁容  
齋賜趙王諭士奇曰趙邸獲全卿之力也二年十月  
黎利奏稱安南陳王孫嵩宜立為後

上命廷臣集議英國公張輔曰此黎利譎謀爾當發  
兵討之蹇義夏原吉曰卒以與之無名徒侍弱耳士

奇曰立陳氏後者

先帝本心求之不得乃郡縣其地且十數年來兵民  
困于交趾之役極矣體

祖宗之初心以保祖宗之赤子此盛德事也何謂無  
名漢棄珠厓前史榮之何謂示弱

上從其言遂棄交趾三年十月下都御史劉觀于獄  
士奇舉通政使顧佐代之臺紀遂振五年二月

上御南齋宮命士奇草寬恤詔多所裨益三月清明  
上奉皇太后謁陵士奇扈從

上曰母后為朕言先帝在青宮惟卿言不避忤意

先帝能從以不敗事又謂朕當受直言士奇對曰此皇太后盛德之言也願

陛下念之六年七月日既夕

上微行至士奇宅傳呼范太監來士奇叩首曰

陛下柰何以宗廟社稷之身自輕至此擾擾塵埃誰識至尊若變起倉卒何以備之

上笑謂曰朕思卿一言故來爾明日遣太監范弘問曰海內平靜時一微行何足過慮士奇曰天子尊居九重恩澤未洽幽隱萬一有冤夫怨婦窺伺竊發誠不可不慮也後果獲盜如士奇言

上嘆曰愛朕莫若卿朕自今不復微行矣正統

少師同知經筵事展墓還鄉冢子稷坐事逮繫

英宗賜之璽書曰歷事祖宗寔惟簡在暨朕繼統啓

沃弼贊厥勞尤多卿子既乖家訓干國紀朕不敢私

卿其以禮自處以副倚毗士奇感泣卒年八十贈特

進光祿大夫左柱國太師謚文貞官其子綏為尚寶

丞所著有沙羨稿石臺稿文藉志法書志東里集楊

溥銘其墓曰斯文遭際千載亨期以翼君德以福群

黎遠稽諸古異世同規

皇明啓運大統重熙純祐有命挺生瓌奇左右密勿

四紀于茲老成耆德以臣以師中流砥柱群疑著龜  
天不憖遺吁其以悲廖道南曰予觀沙羨稿及石臺  
稿見文貞蚤歲所弛魁岸視天下莫已若及觀國史  
暨

三朝聖諭錄乃知管仲之才優于召忽魏徵之績多  
於王珪視諸詭隨無良者不侔矣然而輔亮

東宮保全趙邸歷朝終始如一非所謂社稷之

臣與或者乃以周氏修之死子稷之獄少之則吾不

知也贊曰啓肇文淵首拔文貞和調鼎鼐潤色絲綸

羽翼儲皇煦媪宗親殄讒以信刻偽以真夷吾在齊

語稱其仁玄成在唐史著厥徵彼君子兮不失令名

謹身殿大學士楊榮

楊榮字勉仁福建建安人曾祖伯遜祖達卿父伯成  
嘗遇異人得吉地遂生榮初名子榮鄉薦魁閩多士  
洪武庚辰進士授國史編修

太宗履極簡入文淵閣更名榮轉修撰侍講一日

上御右順門召解縉等七人惟榮在出江西守臣奏

章視之先是吉安鄉民嘯聚遣行人許子謨齎敕撫

諭復遣都督韓觀統兵繼之至是奏至其亂已平

上欲賜璽書褒觀榮言不可從之末樂元年請告歸

省二年賜二品金織衣謂榮曰天下事朕與若等共計之非若六卿祇分理也二年選侍

皇太子于東宮進春坊右諭德階奉訓大夫未幾轉右庶子五年命往其肅閱視邊開險要及糧餉豐耗旋奏稱旨六年給傳奔父母喪奪情起復七年正月車駕巡狩北京命胡廣金幼孜及榮扈從其肅守將何福奏降虜脫脫不花等率衆來歸命榮往受降仍命持節至亦集乃之地封福為寧遠候道經寧夏會同寧陽侯陳懋區畫邊務悉中機宜及還建白

上皆嘉納八年二月

上北征本雅失里榮仍扈從至臚胸河命榮馳報東宮于南都復還北京九年春命中官宋成護榮輯喪還閩中

皇太子召起為太孫講學十年二月其肅守師西寧侯宋琥奏叛寇老的罕等逃居赤斤蒙古諸衛將為邊患

上命榮同豐城侯李彬往討之十二月榮馳還奏餉道險遠士馬疲困師不可久居且小醜勝之不武義當自定

上從之未幾叛者復歸果如榮筭十一年春扈狩北

京十二年三月

上親征瓦剌孛羅

皇太孫從命榮兼尚寶司卿同胡廣金幼孜扈行凡行營有暇即與講學師還敕修五經四書性理大全克總裁官十四年陟學士仍兼庶子十五年扈狩北京十六年夏

高廟實錄成命掌翰林院事上疏指陳府部臺寺十弊言多過直發人陰私

上留中問曰兵食何由充足對曰擇將屯田訓練有方耕耨有時則食足兵精矣十七年進文淵閣大

士熱率士階奉政大夫十八年北征還將西征有建文時江西聚集民兵宜徵赴行在

上召榮議對曰陛下命復民業二十年矣今復徵之非所以示信于天下也遂寢其事是年三殿災榮上疏論十事悉允行之二十一年復扈西征寧陽侯陳懋奏虜酋也先土干來降命榮復往受降二十二年正月

上親征阿魯台次長樂鎮諭榮曰漢高帝過栢人慮迫于人今朕至長樂思與天下同樂何時庶幾乎此榮對曰有志者事竟成



陛下聖志如此天必助順矣師旋適浙江守臣奏至  
謂處州之麗水福建之政和山寇竊發榮請遣使撫  
處

上從之次翠微岡諭榮曰東宮歷涉年久政務已熟  
朕還京後軍國重事悉以付之朕惟優游暮年以享  
安和之福不亦可乎榮對曰東宮孝友仁厚天下屬  
心付托允稱矣

上喜命中官馬榮賜羊酒次榆木川宮車晏駕榮議  
秘不發喪朝夕上食如常儀即馳歸報

皇太子尋遷太常寺卿階嘉議大夫兼職如故逾月

太子少傅階資善大夫兼謹身殿大學士山陵事  
竣太監孟繼言榮盡心襄事陟工部尚書仍兼前職  
洪熙元年賜銀章一曰繩愆糾繆榮盡言無隱臣贊  
居多

宣宗親征漢邸榮勸之尤力既而黎利據交趾以叛  
請立陳氏後

上顧楊士奇及榮曰爾二人云何榮曰交趾在荒服  
外唐虞三代不有其地不失為聖君漢唐以來雖嘗  
為郡縣然叛服不常棄之可也

上從之五月 車駕北巡召榮問曰人君馭世之權

何者為重對曰命德討罪二者為重

上曰二者天下公器舜舉十六相而天下服以天下之好惡為好惡也齊威王封即墨大夫烹阿大夫此不以左右之好惡為好惡也故爵賞刑罰至公無私然後能服天下榮頓首曰誠如聖諭是歲進榮祿大夫太子少傅兼支尚書大學士三俸又賜之銀章一曰方直剛正天潢玉牒成

上謂曰古人重世譜蓋欲正倫理篤恩義我國家宗族之盛皆祖宗積德之至也八年賜之敕曰卿榮以博通之學明敏之識練達之才歷事

祖考踰三十年多効勤誠以樹勞動朕即位以來秉誠據謀飭武緩夷忠言讜論裨益為多人惟求舊父釐天工卿其懋諸

英宗嗣位進光祿大夫柱國少師仍兼尚書大學士賜玉帶同知經筵五年展墓還京卒于杭州武陵驛年七十贈太師謚文敏官其子棻為尚寶丞所著有默菴集退思集北征記訓子編靜軒雲山二藁楊士奇銘其墓曰桓桓文敏通才博識遭際

聖明光奮于績承明筵閣著作之庭以翺以翔舒華振英北裔西陲從狩萬里職典者文亦兼之武晚陟

三公貳工弘化恪恭朝夕敢或違暇帝懷敷仁鞠躬承之民懷被福黽勉成之志存寬惠行在果斷嘉謀謹議褒書有煥越昔內閣七人同事在甫三紀我銘其四公壽考終哀榮寵光於乎文敏歿也不亡廖道南曰宋儒有言德勝才謂之君子才勝德謂之小人信斯言也豈天之降才爾殊哉非其才之罪也夫國家多難羽檄旁午匪才弗達上下多危蕭牆交構匪才弗定醜虜窺伺內猜外疑匪才弗靖奸雄僭竊彼甲此乙匪才弗協是故陳平燕居深念張良借箸前籌才矣而謂之小人可乎或謂文真正而不譎文

譎而不正則予豈敢彭韶贊曰文武兼資通人之器運籌帷幄折衝千里擁佑

三朝捧日而起恩遇有加抑畏無替保身全名經邦掌制巍巍當時燁燁來裔卓哉相業吁其來繼

### 武英殿大學士金幼孜

金幼孜名善以字行江西新淦人祖仲卿父守正咸有隱德幼孜初學春秋于聶鉉超悟不群洪武庚辰奉進士授戶科給事中永樂初改翰林檢討簡入文淵閣轉侍講時

皇太子立幼孜纂集春秋十二公事名曰春秋要旨

以進五年遷春坊左諭德階奉訓大夫七年扈從  
車駕巡狩北京八年二月

上親征北虜胡廣楊榮及幼孜從之次永安甸雪初  
霽諸峰奇絕

上曰雪後看山此景最佳過鷄鳴山躡野狐嶺曰至  
此看山盡在下矣至興和曰汝觀地勢遠望似高近  
即漸平此陰山脊也若因山為塹因塹為池守茲巖  
險雖有鐵騎千群安能飛度耶次鳴鑾戍曰此大伯  
顏山其西北則為小伯顏山其東北則為開平汝等  
觀此始知塞外風景也駐蹕凌霄峰

上召至帳殿夜分乃出次環瓊園指示塞北山川曰  
古交河在今哈刺火州兩河相交水鑿沙出唐之  
蹟尚在也次小耳泉曰女直有山其巔有水色白草  
木虎豹色皆如之所謂長白山也至長清塞曰至此  
南望北斗矣經瀾灤海曰此水周圍千餘里幹難臚  
胸凡七河注其中遂名為玄溟池次通川甸又遙指  
海邊石山曰此即三石山也爾等記之還京階奉直  
大夫錫之誥命十二年扈從北征還京重修

高廟實錄及五經四書性理大全俱統總裁官進李  
士兼諭德階來議大夫賜金織襲衣十八年擢文淵

閣大李士仍兼李士二十二年扈從北征次開平  
上召至幄中諭曰朕夢神人語曰上帝好生者三是  
何祥也豈天謂茲寇乎幼孜請班師

上曰卿言正合朕意即命草詔次清平鎮

上宴群臣命內侍歌

高皇御製詞五章曰此

先帝垂諭創業守成之難戒荒淫酣酗之失也朕嗣  
鴻業惟恐失墜尚相與勉之於是自製五章以奉天  
法祖勤政恤民為言仍命內侍歌之次清水源命幼  
刻石曰俾後世知朕親征過此也

仁宗即位進戶部侍郎兼文淵閣大學士諭月朔太

子少保武英殿大學士專典內制賜之銀章一曰

愆糾繆是歲持節冊梁王及趙王妃洪熙元年陟

部尚書階資善大夫給告歸省宣德元年命克

兩朝實錄總裁官明年特節之寧夏冊安化貞寧二

王妃歷覽周秦漢唐之墟事竣上封事

上嘉納之實錄成賜金織襲衣及金鞍奇馬五年三

月命同楊士奇等選進士薛琦等八人為庶吉士十

月壬午扈從巡適度鷄鳴山

上曰唐太宗恃其英武征遼嘗過此山對曰太宗後

亦悔之此閔忠閣所豎建也

上曰山崩于元順帝時人謂元亡之徵信乎對曰順帝亡國之主也雖山不崩國亦亡

上曰自古聖帝明王未嘗無災異國之存亡繫乎君之仁與不仁而已矣後歲餘遘疾屬纊子姓有干澤者正色斥之曰君子所耻正襟危坐而卒年六十四贈榮祿大夫少保謚文靖子五人昭伯奉進士楊士奇銘其墓曰玉筍崔巍金川澄湛公生其間萃龢挺英資興賢能濟濟借至青萍出匣碎礪初試六御乘時登庸玉署清遂崇嚴參典密務恪勤夙夕小心

率于征龍旂率從上承簡知履坦平平鷗

鴻翔九天歷事三聖敬終猶始不競不求有善無

毀方簡大冊天府所藏崇碑厚碣敷在四方廖道南

曰予觀國史稱述文靖簡易沉默溫裕有容且不伐

善不驚名名其燕室曰退菴古所謂金玉君子者非

其人耶七人之中保全始終堅立名節如公者蓋不

多見也贊曰我聞諸易謙謙君子謙之為象地山有

美我聞諸詩溫溫恭人溫之為義縉木有宜惟彼文

靖誦詩玩易捫舌斯默檢躬斯益扈從六飛為王先

驅北征有記情見乎詞求諸古人金溫玉粹始終一

節度幾無愧

武英殿大學士黃淮

黃淮字宗豫浙江永嘉人曾祖應發為松楊教諭生子通通生性性生淮淮幼抱鉅人志年十二賦詩奇絕克邑庠弟子員洪武丁丑奉進士授中書舍人太宗一日御奉天門左室裁決庶務召見訪以大政淮對稱旨簡入文淵閣擢編修轉侍讀一日吏部以南人官北土凡建文中不効順者例編五淮曰近赦者凡征討官與舊官同一體若復追罪南人示是人以不廣也永樂二年命同解縉考試天下士得曾

等四百七十二人四年三月

上問建儲事對曰立嫡以長萬世法也

皇太子既立進左春坊左庶子兼侍讀賜以袍笏五年遷右春坊大學士兼輔導皇太孫六年

上巡狩北京命蹇義金忠揚士奇及淮留守南京諭曰朕留汝四人居守猶唐太宗之任房玄齡也卿等其識朕意七月

上諭曰東宮天性仁厚識見甚正朕嘗問今日說何書對曰論語君子小人和同章朕問君子難進易退小人易進難退何如對曰君子守道而無欲小人逞

才而無耻朕又問小人何以常勝君子對曰視君上好惡何如爾如明在上君子必勝矣朕又問明主果不盡用小人乎對曰小人有才不可棄者須駕馭之有方警飭之不使有過可也朕聞之甚喜爾等其用心輔翼之八年長沙妖寇李法良亂淮薦豐城侯李彬討之高煦譖彬不可用淮曰豐城老將必能成功後果如淮筭九年虜酋阿魯台來降請併女直吐蕃諸部屬其約束淮曰此虜狼子野心離其黨使各為心則易制若併為一則難圖矣

上曰黃淮如立高岡無遠不見諸人如處平地所見

惟目前爾十一年西域烏思藏大寶法王來朝

上命玉工以全璞製印界之淮曰朝廷賜諸蕃制所用廣運二寶亦有限制今此璞大於璽書恐非所以示諸夷也

上嘉納之十二年高煦隨侍北征潛蓄異志譖淮尤力值進表行在稍滯

上怒逮繫詔獄凡十年淮在徙行惟賦詩引咎名曰省愆集又即人情物變寓之于情名曰自省錄

仁宗嗣位遷通政使兼武英殿大學士仍典機要洪熙元年加少保戶部尚書仍兼大學士職階榮祿大



夫宮車宴駕淮佐鄭府襄府二王監國

宣宗嗣統親征高煦淮留守盡勞夙夜匪懈師旋請告終制陞辭賜遊西苑命乘輿登萬歲山淮撰詩以進

上悅仍命宴餞于太液池且諭之曰明年朕誕辰卿其復來越明年如期至寵錫有加卒年八十三謚文簡官其子來為中書舍人所著有介菴集歸田稿祭酒陳敬宗銘其墓曰惟周三公視古百揆公不獨立三孤以貳爰副調燮益弘化理惟寅惟亮公寔職此王躬是保百辟攸式龐顧雖隆小心翼上視草玉

高文大冊六經黃麻有典有則獻替密勿日于

帝側定策安邦宣慶布德廟堂柱石薦紳著龜惟茲惟梅鼎彝是資

列聖眷倚心膂股肱功在社稷福及蒼生廖道南曰予覩文貞所載日錄謂淮忠胡廣解縉及覩國史亦謂縉之死淮有力焉再覩愆錄乃知淮之不能容于時下獄十年家食二十餘年杜門掃軌不問國事而同事七人縉既雉罹廣亦噓天惟文貞秉鈞文敏謀幄淮之蒙垢亦未可知也贊曰瀚海浩漭滙流仙壇羅山萃律俯瞰神湍篤生哲人持危以安具錦青蠅

讒夫鼓瀾省愆有集炳炳如丹

武英殿大率士楊溥

楊溥字弘濟湖廣石首人洪武初為諸生入試考官胡儼大加稱許建文庚辰進士授編修永樂三年四月辛未選用東宮官屬遷司經局洗馬仍兼編修侍皇太子于南都一日問漢廷尉張釋之之賢溥對曰釋之誠不易得然世豈無其人但無文帝寬厚仁恕之君用之爾釋之固難得文帝尤難得也退采文帝事關治道者編為事類以進

皇太子嘉納之十二年七月

車駕北征東宮遣使奉迎稽緩漢王高煦請之

上怒曰此輔導者之咎也黃淮先至下之獄楊士奇

金問繼至

上曰楊士奇姑宥之朕不識金問何人乃爾得侍東宮命法司鞠之辭連溥及芮善士愷遂俱逮之淹繫十年

仁宗登極釋之擢行在翰林學士洪熙元年正月己卯建文淵閣于思善門之左命溥掌閣事選侍講王璉侍直改博士陳繼學錄楊敬為編修訓導何澄為給事中俱輪班奏對

上親握閣印授溥曰朕用卿等於左右非止助益寧問亦欲廣知民事為理道助卿等有所建白即用封識以進十一月丙申溥密疏言事

上褒答曰覽卿所奏為國家計誠合朕心但望始終如一知無不言贊朕政治以承天休感卿忠覲特用酬報賜寶鈔綵幣卿其領之尋陞太常寺卿兼孝士宣宗嗣位預修

兩廟實錄為總裁官宣德元年十二月

上召溥語及治兵之道溥曰兵貴訓練有方撫養得宜

上曰養之厚則得其心練之精則得其用必氣銳果而後可用若素不訓練一旦驅之矢石之間進退失措何望有濟溥曰誠如

聖論四年正月

上御齋宮召溥諭曰朕即位以來今四年常念

祖宗創業之難子孫守成之不易夙夜惓惓未嘗敢怠今幸百姓初安皆賴

天地祖宗敷祐蓋亦群臣勵翼之功朕常自喜然自古國家禍亂每生於不虞朕未嘗不以為憂溥對曰聖人治不忘亂安不忘危今

聖心如此足以膺天眷福蒼生也

上曰滄海之大皆由江河之助古之君臣更相戒飭克致太平號稱賢良若為君不求資于臣為臣不克輔其君欲求善治未之有也比來人臣多進諛詞朕殊厭之卿宜輔朕于善道溥對曰臣荷至恩敢忘報稱

上曰卿竟朕有過幸直言無隱即為報多矣溥曰自古直言非難受盡言為難

陛下樂聞讜論臣敢不竭愚衷是年十月

上幸文淵閣謂溥曰朕聞有道之君願治之主崇禮

儒臣講求治道卿等職專秘閣朕躬至此既有所聞稍暇當復至卿等必有所陳論也遂製詩一章賜之

五年正月實錄成賜溥白金十鎰羅衣一襲彩幣十

二端六年十一月

上御文華殿溥同楊士奇楊榮入侍朕念

祖宗積德累善篤生

太祖繼天立極創業垂統

太宗迅掃姦回再安宗社

皇考仁宗恢弘治化增高累厚以固鴻業朕承天位夙夜不忘記曰先祖有美而不知不明知而不傳不

仁是用撰述成詩揭之座上朝夕覽觀勉圖繼述庶  
幾永保天命今以刻本賜卿當亦思

祖宗開創之難守成不易盡心輔朕國家安卿等亦  
與有榮焉溥頓首受賜未幾奪情起復陟禮部尚書  
兼學士

英宗繼統命溥同知經筵總裁

宣廟實錄成加少保禮部尚書兼武英殿大學士卒  
贈特進光祿大夫左柱國太師謚文定官其子受為  
尚寶丞大學士曹鼐銘其墓廖道南曰予觀國史謂  
溥與士奇榮相繼入相時稱三楊士奇有相業榮有

相才溥有相度雖兒童婦女咸知其名然繫獄  
其操秉鈞不渝其忠史謂謙恭淳謹不愧斯言已矣  
贊曰荆山嶠嶢陽岐斯支岷江滄泝泝者宮斯涯山祗  
毓靈水若貢祉元和凝會誕生君子彼君子兮惟楚  
之良厥德允常厥謀允臧九折厥肱三緘厥口嘉石  
如肺金印如斗履險視夷處平思陂史稱醇儒夫復  
何辭

英蓋殿大學士張瑛

張瑛字子玉直隸邢臺人洪武丙子鄉貢士授陝西  
寧州訓導調武德衛再調宿遷縣未樂戊子秩滿九

載擢吏科給事中時

宣廟為皇太孫瑛與選為伴讀洪熙元年遷春坊中  
允進諭德改洗馬宣德元年三月錄瑛舊勞陞行在  
禮部右侍郎未幾轉右侍郎兼華蓋殿大學士入內  
閣丁未加禮部尚書五年正月總裁

兩廟實錄成賞白金六十兩金織羅衣一襲綵幣十  
端未幾調南京禮部七年十月瑛上言天下儒學廩  
膳生員計三萬有奇歲食廩米不下十數萬石

朝廷養士之隆自古鮮儷洪熙定制舉人額數應天  
歲取八十人宣德以來稍加增益凡諸省皆然

以為人才與氣運相為消長不可預為額數才家  
教盈其失也濫才多而數少其失也隘矧今各府  
縣教官多員缺學政多廢弛士習多未正請自今副  
榜中試悉補教官其鄉試額數量為加補疏入下之  
所司甲寅奪情起復賜

御詩十餘軸楮萬緡卒年六十二廖道南曰予觀國  
史謂瑛儀觀魁梧持已莊重文章政事非其所長予  
竊惑焉夫渾朴多木強老成類遲鈍峻峻若不能言  
者蔽辨於訥蹇蹇若無能為者晦巧於拙然則予玉  
若是班乎跡其所言豈其然乎贊曰俚哉子玉歷時

清階扈日清宮上應星台排雲華蓋中紆眷懷彼何  
入斯亦已焉哉

謹身殿大學士陳山

陳山字

福建沙縣人初縣教官召拜吏科給事

中時階張瑛侍

宣廟講讀遷左春坊左庶子宣德元年陟戶部尚書  
兼謹身殿大學士時高煦反刑已具

上親征師旋山迎謁請間謂宜乘勝移師彰德乘執  
趙王則朝廷未寧可無蕭留虞

上召楊榮以山言論之榮曰山之言國之大計請

勅書趙王詰其與高煦連謀六師奄至可不旆  
擒也楊士奇執不可

上悟其非遂薄山不復任四年十月朔

上御左順門遙見山趨朝問楊士奇曰汝試言山何  
如人對曰山雖侍從日久然寡學術味大體非君子  
也

上曰然趙邸幾為所誤近聞干謁諸司內閣政本之  
地豈可令斯人貽溷也遂命改山機務專授內豎書  
書既而疏陳休致卒年七十廖道南曰予觀國史謂  
山存心險刻臨事乖方趙邸之謀終身蒙此言信乎擇

術不可不慎也贊曰漢之代即從官有差張武受賂  
宋昌無私唐之策府文學亦異玄齡忠諫敬宗詭偽  
張陳二君翊龍以飛一忠一佞各有攸歸

文華殿大學士權謹

權謹字仲常直隸徐州人十歲喪父哀毀頓絕復甦  
洪武初薦知樂安縣清慎平恕其民懷之九載考績  
遷光祿署丞迎母就養母疾籲天祈以身代母卒躬  
負土成墳廬墓三年有白兔青蛇馴擾不去有司以  
聞

嘉之召拜文華殿大學士高從

太子往南京諸臣皆獻方物不受至徐州謹以  
門聖賢道統圖獻特賜留覽洪熙元年九月改通政  
司左參議致仕乃旌其門曰孝行廖道南曰古稱求  
忠臣于孝子之門豈其然乎夫一孝立萬善從孝之  
不立道奚生焉君子是以重權謹也嘆曰雲龍之山  
其山嵯峨呂梁之水會流于河彼仲常兮孝思匪他  
擢居殿學以風天下山水增榮光流閭舍視彼權姦  
盜負且乘孰重孰輕請問天命

華蓋殿大學士陳循

陳循字德遵江西泰和人永樂乙未進士第一授翰



林修撰

太宗特重儒臣賜第萬寶坊駕幸北京命循載秘書  
詣行在遂畱用之三殿災循上疏多采納洪熙改元  
轉侍讀宣德初命與楊溥輪直南宮備顧問又賜第  
于玉河西庚戌擢侍講孝士時御史張楷上詩涉時  
政僉事陳祚勸講大孝衍義忤旨

宣廟震怒循力拯之獲免正統初兼經筵官壬戌擢  
孝士甲子入內閣乙丑遷戶部侍郎尋陟尚書兼孝  
士奏復近侍翰林官於早朝時當立于金臺左側於  
午朝時當先諸司奏事來從之未幾加以保兼大

太傅景泰初兼文淵閣大學士集古帝王行事名  
勤政要典上之修寰宇通志成進華蓋殿大學士時  
也先擁駕入關索大臣于謙胡榮王直出迎衆知其  
詐循奏請勅各邊精騎入衛京師又多發榜文招諭  
回達以疑其心先計窮復遁嗣後

景帝臨御既久循秉鈞軸擅易儲宮唱以爵祿遽變  
初志恃權剛愎不能容物其子瑛入試不第與王文  
誣奏考官劉儼黃諫欲抵之罪又謀取鄉人塚域傾  
陷御史周鑑王豪士論鄙之

英宗復辟言者發其奸狀謫戍遼東及石亨敗奏雪

已愆釋之復其官廖道南曰予觀瑣綴錄所載陳芳洲事語多近俚及觀國史乃見其城府深刻羅錡言網靡所不為視厥初疏陳諸事力救張楷陳祚若有睽焉不然又胡為乎力詆劉儼黃諫末流至此極也豈季所謂患得患失者也贊曰匪位之患令名為難匪名之患令終為艱保初節易保晚節難於乎德遵有醜斯顏

謹身殿大學士高穀

高穀字世用揚之興化人永樂乙未進士擢翰林庶吉士授中書舍人甲辰改春坊司直郎洪熙初擢翰

林宣德乙卯考順天鄉試正統改元揚士  
侍經筵講讀賜三品服戊午預修

宣廟實錄成轉侍講奉士甲子考應天鄉試乙未遷工部右侍郎仍兼前職入內閣與聞機務已巳

上北征命穀居守景泰初陟工部尚書兼奉士時虜情叵測羽檄旁午

乘輿未返人心恟懼中書舍人趙榮獨請往迎穀壯其志解所束金帶贈之及都御史楊善迎

太上皇歸穀奏禮宜從厚有千戶龔遂榮投書于穀穀即以視公卿陳循見之恚甚請下之獄穀執議如

初未幾加少保兼東閣大學士壬申加太子太傅上  
言內外諸司惟賢是用况經筵日講關係聖德尤在  
得人遂薦少卿陳循學士呂原中允楊鼎都御史王  
文大理卿蕭維貞司業王詢疏上命詢鼎侍經筵文  
入內閣甲戌命往南京巡視災歉事竣還朝都給事  
中林聰忤權貴將置重辟毅持正救解賴未減丙子  
進謹身殿大學士是歲順天御試循奏考官劉儼黜  
其子命毅覆試毅曰貴曹與寒峻爭進固已不可况  
從而為之辭乎因閱卷止黜林廷一人餘俱從儼所  
選從之

毅後辟毅辭取乞休賜璽書慰諭仍侑以金襴給  
驛以歸卒謚文毅廖道南曰予讀國史稱毅為人  
簡廉靖不比匪人觀其白劉儼之公救林聰之直嘉  
趙遂榮之忠推是心也天日將為昭焉蒼曰江海之  
會寔維維揚毓和委瀨發為禎祥有斐君子邦之司  
直衆醉獨醒抗顏不屈寧為孤立毋為依違侃侃  
閭求世有辭

謹身殿大學士王文

王文初名強字千之保定東鹿人永樂中繇鄉薦計  
偕如京師

太宗命選下第舉人給冠帶入胄監文預為辛丑登  
進士擢監察御史綽有能聲與同官王翱于議咸為  
都御史顧佐所稱許時彰德妖寇張普祥謀逆  
宣廟簡命往治事平還奏稱旨欽改名文擢陝西按  
察使正統己未轉右副都御史巡撫寧夏兼理軍務  
辛酉入為大理寺卿壬戌夏大旱

上命中貴興安審錄徃行文片言折獄衆皆輸服未  
幾陟右都御史時冢宰郭璉貪墨文疏其罪風紀大  
振癸亥命代陳鑑撫鎮陝西也先犯順當國者移文  
沿邊斂民入城以避其鋒文謂點虜逆天神人

三

不宜擾以惑民心關中安堵如故尋召還加太子  
太保改左都御史景泰壬申南畿及山東河南被  
命往綏懷多所全活大孝士高穀薦入內閣改吏部  
尚書兼翰林孝士參預機務疏陳孝官賑民數事悉  
中時宜甲戌應天蘇松大水命往巡視蘇人鼓術惑  
衆互相屠戮文悉捕獲誅之加少保兼東閣大孝士  
修寰宇通志充總裁官進謹身殿大孝士因其子倫  
不第訐奏考官峻文深詆

英宗復辟言者首論于謙王文迎立外藩擅易儲宮  
廷鞠文力辨謙不言遂同戮于市後其子倫改名宗

尋仕至尚書請雪父寃詔復其官加太保謚毅愍  
道南曰予觀國史謂文為人深沉剛果屢鎮大藩兩  
總憲政每廷議百官莫敢先發文以一二語裁決與  
陳鑑交代一揖之外未嘗接談及入閣毅然欲有所  
為即茲以觀其志果其情深其才克其器隘乃若私  
詆考官廷詰獄吏誣薛文清以死又何險也贊曰廣  
漢神明延壽深刻匪術弗精匪才弗達果于自用昏  
于自恕彼何人斯秉心乖戾張湯之後安世則侯  
牛駢角誰謂無郵

華蓋殿大學士徐有貞

徐有貞初名埏字元玉蘇州吳縣人宣德癸丑進士  
選庶吉士授編修正統初進侍講己巳之變倡議南  
遷尚書于謙斥之于廷遂懷悵惘大率士陳循授之  
策曰汝當更名無使內家習知也即更有貞以易儲  
事轉左諭德遷左僉都御史徃視水災時河決沙灣  
居民播蕩漕運阻艱有貞奏曰凡平水土在知天時  
地利人事三者天時既經地利既締人事庶可施也  
今欲抹之請先疏其勢水勢平乃治其決決止乃濬  
其淤茲為之方以時節宣一曰置造水門二曰開分  
水河三曰挑濬連河於是決渠以平水勢築堤以平

水性作閘以平水道功告成為文紀之召還為副都御史歲丁丑天象告變有貞陰結太監曹吉祥武靖侯石亨及太平侯張輓等密謀迎請

上皇復辟禁漏下數十刻有貞等擁至南內躬昇步輦陞奉天殿夜已嚮晨鼓三嚴百官班定而景帝已弥留不起矣

英廟嘉其功加特進光祿大夫柱國封武功伯兵部尚書兼華蓋殿大學士掌文淵閣事值山東荐饑發內帑賑之有司奏請增給

上召有貞同李賢議可否賢曰可有貞佛然曰不

繼里胥滋弊惠澤阻遏罔及小民賢曰雖有茲弊

民方待哺不可不救也有貞退而不樂時石亨張輓

外雖結納中實猜疑御史楊瑄張鵬糾其不法

上謂有貞曰御史敢言如此實為難得因語有貞及

賢協心輔政亨輩聞之益懼遂訴其奪門之功諂有

貞泄其謀

上怒下有貞及李賢于獄是日震雷雨雹大風拔木

乃出有貞為廣東參政行至德州會有投匿空名文

書者亨輩以為有貞所為

上怒甚覆逮詔獄拷治無驗乃命取誥券出示三法

司刑部侍郎劉廣衡等劾奏有貞詐撰制文竊弄國柄自謂治水希蹤神禹敢以定策員貪天功大不敬無人臣禮宜戮市遭會承天門災乃宥之編至雲南金齒為民及曹吉祥石亨張輓相繼伏誅

上御奉天門論及人才謂李賢曰徐有貞才李亦誰得當時有何大罪乃石亨張輓輩害之耳茲若不宥後世其謂何可令生還故里於乎

聖人恩法可謂兩及矣庾道南曰予覩吳志謂有貞短小精悍其孝自天官地理兵法河渠陰陽方術無不通貫及讀奇所為曹河碑閣博爾雅當時詞臣無

出其右然而心術險賊急嗜功利首倡南道繼謀門比昵奸回屠戮忠良金齒之行亦天道也贊曰謂天蓋高不敢不局謂地蓋厚不敢不瘠彼其之子狡為倡狂負氣以逞構謀匪臧迷國奚忠奪門奚智亦已為哉胡不憚也

皇朝詞林記卷之二

殿學

華蓋殿大學士李賢

李賢字原德河南鄧州人宣德癸丑進士初授吏部  
驗封主事歷考功文選郎中景泰初上正本十策曰  
勤聖學顧箴警戒奢慾絕玩好慎舉措崇節儉畏天  
變勉貴近振士風結民心

景帝嘉納辛未虜酋也先遣使通好賢上言請修戰  
守之備識者韙之是歲冬擢兵部侍郎癸酉轉戶部  
侍郎上言也先近殺其主併吞諸夷宜勅沿邊諸將



勵兵觀釁于謙壯其言甲戌轉吏部侍郎上鑑古錄  
英宗復辟召入內閣陟吏部尚書兼翰林院學士時  
太監曹吉祥忠國公石亨恃迎復功驕恣不法言官  
糾之曹石懼懇于

上乃下徐有貞暨賢于獄未幾謫福建布政使吏部  
尚書王翱召見便殿白之復以為吏部侍郎值承天  
門災詔復尚書學士仍入內閣賜玉帶以獎之

上問卿即汪后左右欲以殉葬可否賢對宜生存之  
以全其母子又問建庶人久幽大內欲赦出之左右  
以為不可賢對宜從卿典以示渥恩又問吉祥下

國政四方奏報先造其門賢對權不可下移又問  
當時迎復卿何不預賢對奪門無以訓後

上竦然大悟乃遷汪后于別宮建庶人于中都曹  
之黨亦加禁束凡冒功四千人悉褫職

朝廷始有紀綱先是命修一統志充總裁官至是賜  
第于詹事府之東庚辰虜酋孛羅寇大同及涼州莊  
浪賢上安邊五事辛巳曹吉祥從子欽謀不軌焚東  
安門殺都御史寇深錦衣指揮逮梟傷賢脅迫令草  
疏請罪

上聞賢在甚喜欽伏誅加太子少保癸未

上以足疾不視朝時郊祀將至欲遣官代行禮賢對以為不可

上力疾至齋宮成禮而還母后胡氏號靜慈仙師非典賢對宜加崇以全仁孝

上從之二月晦空中有聲賢奏無形有聲謂之鼓妖上不恤民乃有此異遂上十事一曰欽恤淹禁二曰禁止銀場三曰停歲造紙劄四曰蠲被災糧稅五曰弛芻粟之徵六曰罷虧損馬匹七曰戒邊臣撫兵民八曰命有司恤流移九曰飭御史糾貪吏十曰禁外官科歛詔頒行之是時錦衣指揮門達擅權道路以

目語精未極并及于賢

上廉知其故不問申申春正月

上不豫賢受顧命惟謹

憲皇登極加少保吏部尚書兼華蓋殿大學士知經筵事進光祿大夫柱國內成以父憂奪情復任修撰羅倫抗疏論之

上怒左遷倫于嶺表賢復上八事命所司議行之踰月卒贈太師謚文達官其子璋為尚寶丞廖道南曰予觀天順日錄乃知賢之相業僅有此耳及觀國史謂徐有貞既去賢獨留被眷

英廟每視朝畢左右顧則呼賢與門達語良久乃已時召入文華有所咨詢言無不從自三楊以來得君未有如賢者然而海內之事奔走匍伏以干恩澤者紛如獨立不懼惟一羅倫而已於乎難哉贊曰賢哉賢也志可則也遇主于巷重納約也始拒曹石繼門達也猶豕之牙勿躑躅也得專行久茂功烈也賢哉賢也胡可將也

謹身殿大學士商輅

商輅字弘載浙江淳安人宣德乙卯鄉試正統甲子會試明年廷試皆第一授修撰丁卯

英廟命選諸臣十八人進學東閣輅預焉已巳

景帝簡入內閣轉侍讀是時北虜方熾閩浙盜起奏牘填委輅悉心剴裁績効居多景泰庚午進學士太上皇北還輅迎至居庸關伏謁命致書兩宮及

皇太弟壬申遷兵部侍郎兼左春坊大學士仍兼學士賜以居第丁丑

英宗復辟石亨輩嫉之坐除名成化丙戌復入內閣首言八事咸切時政戊子

慈懿皇太后崩百官爭禮輅上疏定祔葬議從之是

明季記 卷四  
歲陟兵部尚書時皇莊甚為民厲輅言天子以天下  
為家何以莊為丁亥六月戊申輅上言八事一曰勤  
聖政二曰納諫諍三曰儲將才四曰飭邊備五曰汰  
冗濫六曰廣蓄積七曰崇聖道八曰謹士尋上嘉納  
之改戶部尚書仍兼前職癸巳宋元通鑑綱目成進  
文淵閣大學士內申加太子少保改吏部尚書值倖  
臣有欲進玉皇祠于掖廷者輅爭以為不可宮門災  
工部請命中官鳩材于楚蜀輅又爭以為不可俱從  
之丁酉兼謹身殿大學士時中官汪直開西廠大肆  
羅織屢起巨獄百官恐亡輅上疏畧曰近日伺察太

緊政令太急刑網太密人心洶洶各懷疑畏蓋緣委  
聽斷于汪直一人而直又寄耳目于群小如韋英牙  
英輩傷害良善虧損國體非所以示大觀于天下也  
疏入

上震怒命司禮監官懷恩至閣輅曰汪直違

祖宗法壞朝廷事法所必誅而不以聽恩曰此疏誰  
其草之衆皆曰直罪滔天使輔臣不言天下必有言  
者與其使天下言孰若二三人言之恩具入奏

上即命罷西廠由是見忤于直會前輔臣楊榮曾孫  
時罪逮至京語連及輅直從中主之輅遂乞休加少

保賜璽書給驛以歸卒贈特進榮祿大夫太傅謚文  
毅子良臣舉進士為翰林侍講良輔為刑部主事孫  
汝謙為尚寶寺丞廖道南曰予以闕逢敦特發練浦  
汎清溪艤棹桐江眺望文毅之廬萬峰迴合千巖蜿  
蜒意其為間氣所鍾也及讀國史乃見其諸疏侃侃  
有大節於乎宋之王曰王曾宋庠俱以三魁致位宰  
輔若文毅者視古先哲何如耶贊曰三魁華名士林  
所稱三孤崇秩官箴所評德不孚名奚名之榮勳不  
孚秩奚秩之尊允也文毅大節崢嶸龍山吸嶸桐江  
淳滌誰其薦之明德惟馨

華蓋殿大學士萬安

萬安字循吉四川眉州人正統戊辰進士選庶吉士  
授編修景泰初以易儲遷左春坊司直即傳右中允  
改尚寶司丞兼編修天順戊寅改侍講侍  
皇太子講讀進學士成化改元預修

英廟實錄陞少詹事兼學士己丑遷禮部侍郎兼  
太子入內閣尋陟禮部尚書加太子少保改戶部尚書  
兼文淵閣大學士

孝宗出閣改吏部尚書加太子太保光祿大夫柱國  
少傅兼太子太傅尋加少師兼太子太師華蓋殿大

學士初昭德貴妃萬氏侍

憲廟于儲邸其父貴為諸城邑吏至是以妃貴授都督兄通亦為錦衣都指揮權寵震耀通妻王氏出入掖庭安喜同姓陰使人結通之妻往來于家為進妖僧繼曉以固其寵時江右李孜省亦以小吏能幻術與其徒鄧常恩俱驟躡要津安托孜省鄉宦彭華深相結納凡附已者百計援之異已者百計去之一時詞臣若禮部侍郎刑讓祭酒陳鑑而方正之士如王恕馬文昇耿裕秦紘皆相繼斥逐雲南土酋曩罕弄輿木邦爭構據寶林以叛入賄于安安喻其利即援

以安撫而邊釁日積凡若此類恬不為怪舉朝側目莫敢顯訟其過庶吉士鄒智與安同鄉憤其所為率同館士吉人李文祥上疏發其奸御史湯鼐文貴姜洪各相糾劾

孝宗在東宮稔聞其惡至是於宮中檢獲所進房中書遣太監懷恩携至內閣示之每展一卷安即跪泣乞哀猶無去意復令懷恩摘其所懸牙牌安始慚懼告退至中途尚占中台冀復用卒贈太師謚文康其子翼為南京禮部侍郎孫弘璧為編修俱淫恣不檢類其父云廖道南曰予讀國史見成化間傳陞乞陞

似道何言紹興廢廟且  
玉首者碑也中亦非似道

冒濫名器者無慮數千固已訝之及閱萬氏本傳安  
據內閣二十餘年嫉侮忠正深於仇讐保養姦回切  
於骨肉觀其結萬通李致省輩以陰為之援而又斥  
逐鄒智吉人輩以陽張其勢自古稚奸之禍人家國  
類如此易曰開國承家小人勿用可不鑑哉贊曰唐  
之林甫天寶召亂宋之似道紹興啓變斷尸函首國  
有顯戮安何人斯獨保完福不于其身于其子孫覆  
宗壘居是曰天刑

莘蓋殿大學士文穆公劉吉

劉吉字祐之直隸博野人正統戊辰進士選庶吉士

授編修景泰初侍經筵預修寰宇通志轉修撰天順  
中侍

東宮講讀預修一統志進侍讀成化初

英廟實錄成陞侍讀學士尋擢禮部侍郎己丑簡入  
內閣兼學士丁酉陞禮部尚書戊戌加太子少保文  
淵閣大學士壬寅守制詔起復之修 文華大訓成  
加太子太保武英殿大學士給一品誥命甲辰改戶  
部尚書謹身殿大學士弘治改元進少傅兼太子太  
師吏部尚書知經筵事己酉二月吉率同官上言邇  
者奸徒欲效李致省鄧常恩之故術見月宿在畢天

將陰雨乃奏請祈禱幸而有中以希進用謹按詩云  
月麗于畢俾滂沱矣書云月之從星則以風雨今月  
宿在畢雨降之徵也臣恐侍門一開爭言祈禱啓釁  
召亂咸基于此所有祝文臣等不敢奉命庚戌吉率  
同官上言邇者妖星出天津歷杵曰近營室考之圖  
志為兵為飢為水旱矧今南海修垣汝河修橋俱非  
急務宜停止以答天戒

上嘉納之辛亥

憲廟實錄成加少師兼太子太師華蓋殿大學士壬  
子修撰張昇上疏論之吉遂致仕卒贈太師謚文穆

今且子臯為太常少卿廖道南曰予讀國史謂吉沉  
毅能斷但所與遊者多讒夫以故不聞其過廷臣不  
恊于已者陰嗾言官劾之之休休之量及讀月畢天  
津之疏又有不可撓者其然乎其不然乎贊曰博野  
之墟大川平原篤生哲士為國昂鎬首斥異端愈堅  
直節星彗于津月麗于畢國史有言匪直也人城府  
深密有覲名臣

華蓋殿大學士徐溥

徐溥字時用常州宜興人景泰甲戌進士及第授編  
修天順丁丑兼司經局校書侍



東宮講讀成化紀元遷左庶子兼侍講文經筵講官  
兼纂

英廟實錄甲午擢少詹事兼侍講學士乙未主考禮  
部會試庚子轉太常卿兼學士辛丑再典會試擢禮  
部侍郎丙午改吏部

孝宗登極簡入內閣陞禮部尚書兼文淵閣大學士  
總裁

憲廟實錄同知經筵庚戌復典會試辛亥加太子太  
傅戶部尚書武英殿大學士時岷藩訐奏知州劉孫  
詔逮繫言官救之俱下獄群議洵溥力救之甲寅

加少傅兼太子太傅吏部尚書謹身殿大學士惟光  
祿大夫柱國乙卯命撰二清樂章溥率同官上言天  
子祭天地夫天尊無對夫禮以少為貴祭不過南  
郊時不過孟春牲不過特牛漢祀五帝儒者非之况  
三清乃邪妄之說謂一天之上有三大帝乃以李聃  
居其一是以人鬼列于天神非禮也至于郊祀樂章  
皇祖舊製今所傳樂章雖載求樂大典是書博采弗  
精不可以贖禮臣等誦習儒書若邪說俚曲尤所不  
習且初設文淵閣命學士居之者實欲其謀議政事  
講論經史培養本原弼止闕失非欲其阿諛順旨以

取容悅也疏上

上即從之丁巳總裁會典以疾辭戊午

武宗出閣加少師兼太子太師華蓋殿大學士尋以目清乞休卒年七十二贈特進左柱國太師謚文穆李文正公銘其墓曰瑞雲山高荆水清元氣下結扶輿精公居太史官列星文章作緯禮修經入掌帝制持邦衡補袞五色山龍形廟堂高古坐不傾一朝令出民弗驚調齊其苦成和羨四方士類歸陶型悉遣矜佩為冠纓尺量才度桷與采大者梁棟當朝廷公倦亦不矜盡殫然謗消讒爭功成身退古有桓

公歸自保哲且明君寵極重臣身輕飄然乘風朔  
真山逝水後如平生廖道南曰予觀李文正公年譜  
見弘治間所上章疏皆出其手而溥能用之及讀國  
史稱溥立朝四十餘年因事納約隨才器使屢遇大  
獄保全善類從容委曲溫易宏裕乃知曹叅丙吉雖  
不踰于陳平魏相而培養國家元氣又不在彼而在  
此也十八年之治固有由哉贊曰周至成康厥治迓  
衡三后同心篤亮真誠漢至文景厥政底平萬石同  
德渾朴堅凝如文穆者其忱其恂既無勇功亦無智  
名十八年中協氣氤氳於乎寧靜鮮見其倫

武英殿大學士丘濬

丘濬字仲深廣東瓊山人正統甲子鄉試第一景泰甲戌進士選庶吉士授編修時兩廣用兵經年不決濬條列事宜李文達公一見即代上之

英宗嘉嘆付所司舉行

憲宗登極充經筵講官轉侍講預修

英廟實錄成進侍講學士續修宋元綱目陞學士濬自出已見撰史畧名曰世史正綱有裨世教會祭酒缺僉謂非濬不可乃加禮部侍郎掌國子監事復授大學衍義補一書以獻

上濬之尋陟禮部尚書掌詹事府事修

憲廟實錄充副總裁官加太子太保兼文淵閣大學

士上時政疏畧曰成化間彗星三見遍掃三垣地震

無慮五六百次邇者彗見天津地震天鳴無虛日且

異鳥三鳴于禁中考諸經史天變莫大於彗彗在三

垣三台尤為重地變莫大於震動在京師邊防為急

矧禽鳥動物得氣之先春秋二百四十二年書彗彗

者三地震者五飛禽者二今乃屢見于二十五六年

之間變不虛生必有其應天人相與甚可畏也臣願

體上天仁愛念

祖宗基業端身以立本清心以應務謹好尚勿流于  
異端節財費勿至于耗國公任用勿失于偏聽禁私  
謁以肅內政明義理以絕神姦慎儉德以懷永圖勤  
政務以弘至治庶可以回天災消物異帝王之治可  
幾也疏凡十餘萬言

上命諸司議行未幾加少保兼太子太保改戶部尚  
書武英殿大學士以目疾辭不允卒贈太傅特進光  
祿大夫左柱國謚文莊官其孫當為尚寶寺丞程敏  
政叙其集曰先王懼學者之無本也有學的之編懼  
學者之不知變也有史綱之作懼學者之明體而

適不用也有大學衍義之補其言鑿鑿可行行之  
以興治致吾君子堯舜使吾道不為空言蓋其志如  
此蔡清祭之曰先生博極群書如巨海之吞吐百川  
含弘無際其才華國名世者四十年晚際聖明登之  
台輔取其所著書于大內以廣聰明權衡百度其道  
尊為國師門生學子遍天下矣自瓊崖以來所鍾人  
物未有如先生者於乎其不為虛生也已廖道南曰  
國朝洪武建文間時則有若劉伯溫之閑大宋景濂  
之浩博王子充之醇正方孝儒之爾雅永樂宣德間  
時則若有解大紳之雄放胡光大之豪宕楊文貞之

精密余文靖之沉渾正統景泰間時則有若李忠文  
之朴茂劉文安之該覈然皆麗藻豐腴未有若立文  
莊之明體適用酌古準今裒然為一代文宗也自是  
以後若程篁墩李文正諸公蓋聞文莊之風而興起  
焉者或乃以劉文泰之誣而病之於乎豈知文莊者  
哉贊曰瓊海浩瀚珠厓渺茫含靈鳩和誕生文莊矯  
矯若人萬夫之傑牛毛鬣絲劍光玉潔行義有補世  
更有網潤色

皇猷禪益典常我髮未燥誦習仰止布帛菽粟有裨  
紀

華蓋殿大學士劉健

劉健字希賢河南洛陽人天順庚辰進士選庶吉士  
授編修成化中轉修撰遷左春坊左庶子弘治初陞  
禮部侍郎兼學士簡入內閣總裁

憲廟實錄成陟禮部尚書兼文淵閣大學士甲寅進  
榮祿大夫武英殿大學士己未加光祿大夫柱國少  
傅兼太子太傅戶部尚書謹身殿大學士庚申健率  
同官上言自古願治之君必早朝晏罷日省萬機

祖宗視朝在黎明以前每日奏事二次邇者視朝太  
遲散歸或至昏黑四夷朝貢奚所觀瞻庶府文移多

致寢閣矧今各邊啓釁四方荐災尤為可慮台荒是  
戒勵精是圖庶可以回天意慰人心也

孝宗嘉納尋加特進光祿大夫少師兼太子太師吏  
部尚書華蓋殿大學士辛酉律率同官上言近有旨  
中官往武當山設像掛幡修舉齋醮命臣等撰勅并  
祝文竊聞茲山宮觀像設已極壯麗若復差官實為  
無益矧今災異迭出生民困苦苗賊肆亂軍旅方興  
糧餉供餽猶恐不給君門萬里豈能悉知宜斥邪妄  
以遏無良甲子健率同官上言近有旨欲于朝陽  
外修建壽塔臣等竊惟人主信佛莫梁武帝為甚卒

饑死臺城信老矣宋徽宗為甚卒囚斃虜地本以求  
福反以致禍觀諸往事可為明鑒我

祖宗相傳以治天下者堯舜周孔之道而已似此異  
端蠹財惑衆何關於治欲造佛塔非所以訓天下垂  
後世也又令撰真人杜永祺等誥命及封號臣等竊  
惟異端不可信誥命封號不當與夫誥命朝廷所以  
獎貞勵能錐卿士大臣必待秩滿考最乃得頒給况  
祖宗廟號不過十六字親王及文武大臣有功德者  
謚號止一二字此輩何能封號多至十八字流  
布朝野傳聞後世皆曰此朝廷所給與儒臣所擬撰

也天下後世其謂之何俱報罷

殺皇履極詔健總裁

孝廟實錄加左柱國食正一品俸倚毗甚隆健亦盡  
言無諱未幾焦芳媚劉瑾以健同鄉不附已遂力攻  
之健君家遭自青年九十餘卒廖道南曰弘治間予  
從先大夫游京邸飲聞毒菴劉公當國正色率下凡  
諸僚案謁私宅者不與交一言及大朝事關大義累  
幾千言不缺及予登甲科列史館公尚無養卒無一  
言下求恩澤豈古之所謂大臣與養曰嵩嶽峨峨下  
湯湯伊洛溼澗迴繞北邙惟彼東都元氣彼彼

有犬老鍾茲間氣耿耿大節侃侃正言力裁  
扼權姦公考正命公神不死以道事君不可則止

華蓋殿大學士李東陽

李東陽字賓之湖廣茶陵人曾祖文祥以戎籍隸金  
吾遂居京師文祥生允興允興生淳淳生東陽蚤負  
奇氣四歲能作大書

景帝召見抱置膝下賜上林珍果及內府寶鑑六歲  
八歲復兩召之試講尚書大義命肄京庠天順壬午  
年甫十六舉順天鄉試甲申登二甲進士第一選庶  
吉士授編修甲午轉侍講癸卯進侍講學士甲辰充

東宮講讀官丙午主考順天鄉試弘治己酉遷左庶  
子兼侍講學士辛亥預修

憲廟實錄成陞太常少卿仍兼前職掌翰林院事充  
日講官癸丑主考會試得汪俊為第一甲寅擢禮部  
侍郎兼侍讀學士典誥勅乙卯命兼文淵閣大學士  
預機務時安南侵占城國奏請命官往問

上欲從之東陽會同官上疏曰春秋王者不治夷狄  
安南雖奉正朔修職貢然恃險負固積歲已久今若  
遣官往至其國海島茫茫徒掉寸舌小必掩過飾非  
大或執迷抗命若置而不問損威已多若問罪與師

以燒煉齋醮被寵東陽覆會同官上疏曰我  
祖宗自洪武至天順年間召儒臣咨議政事今朝

參外不得一覲天顏且經筵日講成就君德裨益治  
道今每歲進講不過數日夫人君之心必有所繫不  
繫于此必繫于彼正士既疎則邪說乘間而入近有  
以齋醮燒煉進者此乃異端惑世之術聖王之所必  
禁宋徽宗崇信道流及金兵圍城方士郭京誑稱作  
法卒使乘輿播遷社稷顛覆求福不得反以致禍至  
若燒煉其禍尤參金石之藥性多酷烈一入腸腑為



禍百端唐憲宗藥發致疾雖杖殺方士柳泌竟亦何益今上清龍虎宮神樂祖師殿及番經殿皆焚燬無遺神如有靈何不自保天厭其穢亦已明甚昔李絳有言憂先于事可以無憂事至而憂無益于事矧災或失度太陽無光天鳴地震草妖木異四方奏報殆無虛日伏望嚴早朝之節復奏事之期勤講學之功優接下之禮遠邪佞之人斥誣罔之說太平之業可保矣時武岡知州劉遜逖繫科道會奏上震怒俱下獄東陽覆同上疏救之上為齋威召至平臺奏事始復舊制戊午

皇太子出閣加太子太保禮部尚書五月復召閣下定團營總兵官九月

清寧宮災東陽上疏曰近年以來災異頻仍內府火災尤甚或以為天道茫昧變不足畏此乃慢天之說或以為天下太平患不足慮此乃誤國之言或以齋醮祈禱為弭災此乃邪妄之術或縱囚釋罪為修德此乃姑息之術熒或聖德莫此為甚且賄賂公行賞罰失當紀綱廢弛賢否混淆工役繁興軍民困憊下情不達上澤不宣愁嘆之聲上下和氣災異之積正此之由越二日有為李廣乞祠額者東陽以為不可

又召能仁寺僧入大內慶讚東陽又以為不可  
上俱從之己未程敏政典試給事中華景劾之命東  
陽覆試壬申會典成賜玉帶甲子命祀孔子于闕里  
還朝上時政疏上命有司議行乙丑  
上不豫召入玉几前受顧命  
武宗登極加光祿大夫柱國兼太子太傅戶部尚書  
謹身殿大學士丙寅

上倦于政東陽上疏曰近日侍朝太遲免朝太多奏  
事漸晚嬉游漸廣夫奢靡玩愒非所以崇儉彈射釣  
獵非所以養仁膺大狐兔田野之物不可育于

四

朝廷弓矢甲冑戰鬪之象不可施于宮禁使正人  
親直言不聞而此數者交雜于前臣竊憂之矧六月  
中旬風雨飄蕩雷霆震怒正殿鴟吻

太廟春獸天壇樹木禁門房柱摧折燒毀災異尤甚  
惕然省悟側身勵精庶可以回天慰人國家之福也  
不聽復上疏曰

先帝顧命惓惓以

陛下為托臣痛心刻骨誓以死報邇者地動天鳴五  
星凌犯星斗晝見白虹貫日群災疊異併在一時歷  
觀載籍偏閱古今未有如此而不亂者且詔令廢格

變易大盡憂在于民生國計若罔聞知事涉于近幸  
皆戚牢不可破或旨從中出畧不預聞或有所議擬  
徑行改易臣若諉顧命之名不盡輔導之責天下後  
世其謂臣何不報又上陳政令十失

上付諸司議革之十二月加少師兼太子太師吏部  
尚書華蓋殿大學士丁卯劉瑾擅權適尚寶卿崔璿  
御史姚祥主事張偉為邏卒誣執枷號于長安門外  
東陽上疏力救之命戍邊時聞內苑御船獵獸上疏  
曰今歲自端陽後金鼓砲火聲徹都邑旣牧斲殺紛  
至禁廷大臣畏息不敢言小臣震懾不敢諫不知

祖宗分職設官朝廷糜祿養士將焉用之昔漢司馬  
相如諫繫熊豕以為逸群之獸輿不及還轅人不暇  
施巧非天子所宜近薛廣德諫御樓船以為乘船危  
從橋安聖主不乘危伏望鑒古道以端好尚視朝加  
早則炎暑不侵進膳有時則元氣日盛

上褒答之戊辰六月給事中安奎御史張或忤瑾枷  
號東陽又上疏救之都御史楊一清逮繫至東陽又  
力救之是月早朝有投空名文書數瑾罪者疑群臣  
所為悉逮問詔獄東陽又力救之庚午六月早霧東  
陽上疏曰近時威令大行中外悚懼但霜雪之後必

有陽春雷電之餘必有甘雨此天道所當法也臣謹  
條上一曰寬逃軍拐馬之罪二曰寬僉書職員之罪  
三曰寬查盤糧草之罪四曰禁官校羅織之非疏上  
會慶府宣鑄叛命太監張永同都御史楊一清討平  
之師旋獻俘永發瑾姦狀

上即命擒之以東陽有友正功加特進左柱國廢其  
從子兆蕃為尚寶司丞覆上疏曰天下者

祖宗之天下上天所付託生民所仰賴

高皇帝櫛風沐雨十餘年而後定何其勞也

文皇帝南征北伐定鼎貽謀亦二十餘年而後成

其難也

列聖相承兢兢業業罔有怠荒

先帝顧命惟欲

陛下早嗣大位早成大婚光前裕後衍無疆之澤

聖慮所及何其深且遠也臣顧念上天付託者重思

祖宗授受者隆體生民仰賴者切每于朝奏講讀之

暇安慶宮闈溥施恩澤起以節游豫以時保養天和

培植國本則六氣莫能侵百邪不敢近矣不報時巨

寇劉陸等衆至數十萬東陽晝晝宵霽卒致底定加

廢一子為錦衣指揮上疏力辭

上以京軍不習戰陣欲調邊軍入衛京師東陽上疏  
陳其十不便狀不聽遂乞休賜之勅曰君臣相遇自  
古為難卿資稟神異慧悟夙成爰自童年召見中禁  
應制稱旨名動四方遂以宏博之學斐英藝苑資歷  
既深聞望彌重逮我

皇考擢居政府朝夕獻贊便殿延訪平基賜問有懷  
必吐無言不從不激不隨無私無比顧命付託感激  
知遇益竭忠勤委曲匡救西鄙戡亂兩河討賊廟謨  
勝筭多所替畫釐革弊政率循舊規樂育人才明揚  
善類代言宣意敷奏達情文學詞翰獨妙一時並

五十年輔政十八年清慎之操終始不渝自古大臣  
兼茲衆美者代不數人屬時多艱方切倚伏乃以止  
足為念章數十上重違雅志特賜允俞於乎功成身  
退鄉自處善矣國有大政將就而問焉仍廕其從子  
兆延為中書舍人卒年七十贈太師謚文正所著有  
懷麓堂稟廖道南曰予觀楊遂菴叙懷麓堂稟云高  
才絕學獨步一世如大河之源出崑崙至積石至龍  
門至底柱吞吐百川涵浴日月頃刻萬變而不知其  
所窮邵二泉叙續膏云盛德嘉謨澤被海內如大將  
御戎不聞號令一節一麾無不如意嗟乎可謂知言

矣予以為弘治間溥海外內泰和流行兵以不試為  
威財以不蓄為富刑以不措為治伊誰之力耶君子  
是以知文正之不可及也贊曰雲陽秀鬱皇雲蜿蜒  
洞庭浩渺湘水淪漣惟彼黎老端亮沉潛歷事  
四朝一德格天翼、匪懈休休不專稽厥動謨鼎石  
有編

謹身殿大學士焦芳

焦芳字孟陽河南泌陽人天順甲辰進士選庶吉士  
授編修轉侍講進侍講學士左遷湖廣桂陽州同知  
歷霍州知州四川副使調湖廣副使俱督學政上疏

奏請雪其愆陞南京右通政守制起復為通政再  
以憂去召入為太常少卿兼侍講學士擢禮部侍郎  
改吏部陟吏部尚書尋加少傅兼太子太傅謹身殿  
大學士性險悞始比尹旻父子尹敗坐謫其為吏部  
尚書時值逆瑾亂政號入黨大學士劉健會同戶部  
尚書韓文率百僚伏闕固爭將除之芳潛通於瑾預  
為之所繇是劉健謝遷韓文楊守隨等相繼斥罷黨  
勢尤熾瑾遂引芳入閣表裏為姦凡變紊成憲桎梏  
臣工杜塞言路酷虐軍民皆芳導之芳用事時有曹  
元劉宇者媚竈續貂咸溷政本芳為之與接暨克

孝廟實錄總裁官筆削任意凡先正名卿采肆醜詆  
授意檢討段良以快其忿初在吏部時郎中張綵與  
瑾同卿方力薦之驟致冢宰賣官鬻爵名器壞監其  
子黃中允狂誕恣睢方廷試畢芳欲處以魁選既而  
衆論取呂柟為第一芳謂諸執事却之遂入言于瑾  
改編修顧清等二十餘人為部屬官授于黃中為檢  
討及劉守之子仁等六七人俱為庶吉士黃中尋陞  
編修踰年陞侍讀時士官久濬沒入家口有妹色殊  
甚芳聞求瑾得之後卧病黃中聚鹿人咸鄙之瑾伏  
請官交劾其罪父子皆褫職為民中原盜起有

錄者入泌陽芳僅以身免盡發其先世塚墓無遺骸  
取芳衣冠被庭樹歷數其惡命劔士斃之曰使吾手  
誅此賊以謝天下議者謂盜賊猶知疾惡云庖道南  
曰夫政本之地上應治撫下司鼎鼎陳猷敷典論道  
弘化宗社安危生民休戚華夷向背世代汚隆胥繫  
焉軒皇六相帝堯四岳舜之五人武王十人亦不為  
多湯之伊尹高宗之傅說一一大僚亦不為少誠以  
大聖大賢不世出大奸大惡亦不常見也逆瑾擅權  
乃有如考如字如元者首附之遂至海內騷動宗社  
幾搖易曰開國承家小人勿用可畏哉贊曰積豕之

牙不可畏也犛牛之童不可養也盜而且乘致寇至也鬼載之車疑未釋也吁嗟考乎與衆棄也遺臭萬世不可雪也

武英殿大學士王鏊

王鏊字濟之蘇州吳縣人成化乙未會試第一進士及第授編修弘治初轉侍讀遷右諭德壬子主考應天鄉試明年進侍讀學士歷少詹事兼前職丙辰主考會試又明年擢吏部侍郎壬戌陞禮部尚書知貢舉有景陵魯鐸者屢蹶科廷鏊偶閱其卷函稱之時具文定公為考官取鐸為省元人咸稱其知人尋簡

入內閣改戶部尚書文淵閣大學士先是北虜火篩入寇詔廷議可否時馬端肅公劉中宣公咸預廟筭鏊上邊議八事一曰定筭二曰重主將三曰嚴法令四曰恤邊民五曰廣召募六曰用簡七曰分兵八曰出奇疏上

孝宗嘉納正德紀元加光祿大夫柱國少傅兼太子太傅攝上時政四事一曰急講孝之為務二曰急延下之為務三曰急用人之為務四曰急節用之為務逆瑾擅權乞休歸卧震澤作謫解以自嘲為又自贊曰意唔先生何如其人窮年劬書結髮勵行白首於



道茫然無聞者乎爵斯公孤官居臺閣志懷翰中幾  
昧納約者乎貴戚赫炎不能附麗權當狂狷不能媿  
阿一有違言超然不辱者乎遇事直前不知顧忌見  
利思後不知規畫歸卧空山晏然居之者乎斯人也  
其量則隘其才則庸無裨于世自潔其躬跡其所至  
蓋知慕首陽之拙而不知柱下之工知希止足之疏  
而不能為蘧屨之崇者乎卒謚文定之著有震澤集  
廖道南曰予嘗觀閭門登虎丘望震澤七十二峰乃  
見夫煙嵐杳靄魚鳥沉浮林籊合而流泉清意必有  
名世者出乎其間既而訪文定之里觀震澤之書

山景行時嚮往焉嗟乎喆人已矣替曰百川滌迴猶  
於且區萬峯縣恥會于東吳彼震澤者美人所都采  
芝山間葺荷水隅平泉樓閣綠野園書春雪猿鶴秋  
兩鷗鳧我思若人不渝厥初

武英殿大學士靳貴

靳貴字允道鎮江丹徒人弘治庚戌進士及第授編  
修

武宗出閣命兼司經局校書轉左中允預修會典遷  
左諭德兼侍講守制服闋擢禮部侍郎逆瑾用事摘  
會典譌失補光祿卿尋復舊職改吏部侍郎兼學士

典誥勅學詹事府事仍充日講官陟禮部尚書甲戌  
命兼文淵閣大學士加太子太保戶部尚書武英殿  
大學士其在翰林同考會試及主順天鄉試者各一  
主考會試及授庶吉士業者各二當辛未會試時言  
事者發其私以家僮可勤受賄驚題貴亦不辯及丁  
丑春方以病在告愈復出典會試意將示公以前宿  
垢顧益致群疑於是言官復醜詆之遂致仕卒贈太  
傅謚文僖廖道南曰予嘗汎舟京口登金焦望北固  
指耳露脩脩然若凌雲御風而無所托繫者既而訪  
之里間詢之父老多不滿文僖者及讀國史乃見其

歷遭醜詆古語有云寧為玉碎勿為瓦全竄其然乎  
贊曰金焦屹立葦葦所宮北固岿峽煙雲攸崇產于  
其間宜廣而充豈曰無然云胡可宗龍蛇而已奚足  
為容

### 謹身殿大學士蔣冕

蔣冕字敬之廣西金州人成化丁酉鄉試第一丁未  
舉進士選庶吉士授編修弘治庚申兼司經局校書  
遷右中允乙丑預修通鑑纂要轉右諭德兼侍講正  
德丙寅預修

孝廟實錄充經筵講官丁卯進侍講學士庚午主考

應天...試辛未陞少詹事兼侍讀學士是歲擢吏部  
侍郎甲戌兼學士典誥勅掌詹事府事是歲陟禮部  
尚書仍兼學士丙子兼文淵閣大學士賜玉帶丁丑  
加太子太傅禮部尚書兼武英殿大學士戊寅  
武宗北狩命內閣撰威武大將軍勅冕上疏言內閣  
之職其大者在代王言凡手勅旨意俱從撰擬今事  
出非常遠近驚疑虎豹九關言益齟齬

聖駕已出倏已浹旬延頸北睇無策可施仰惟

陛下受天明命為天地神人主內而中國外而四夷  
孰不尊稱如稱天為天稱日為日孰敢擅稱宋壽號

為將軍鼎鑊在前不敢奉詔己卯駕南巡至金陵大  
學士梁儲同冕扈從十二月駕旋次揚州以郊期在  
邇冕力請回鑾從之辛巳正月加少傅兼太子太傅  
戶部尚書謹身殿大學士時楊廷和柄國冕與協心  
奉迎

今上于藩邸入繼

大統改元頒詔與天下更始多冕所裁定壬午賜金  
織襲衣及玉帶勅加伯爵冕具辭癸未冕上疏論災  
異及禮儀甲申進士還湘中杜門掃軌不通賓客廖  
道南曰易有之雲從龍風從虎聖人作而萬物覩夫

同聲相應同氣相求物固有然者矣况

聖神御極風雲景從璧月珠星光彩陸離二三大臣  
登黃扉典綸紵爭自濯奮以先天下若冕者固亦清  
謹之士哉贊曰湘山之南寔為桂林湘江之合煙雨  
蕭森有美君子篤行修名耽幽葆光悠悠古心

華蓋殿大學士楊一清

楊一清字應寧雲南安寧州人曾祖情仕元為經歷  
祖福山隱居江湖間父景起家巴陵遂為巴陵人一  
清幼穎異日誦數千言舉神童太宗伯嬀夔少宗伯  
鄒幹胥器之疏補翰林秀才成化戊子中順天鄉試

壬辰登進士第授中書舍人聲華籍甚擢山西督學  
僉事弘治初起復補陝西督學召入為太常少卿督  
四夷館轉南京太常卿壬戌虜火篩入寇馬政廢弛  
乃遷副都御史督理茶馬上五事曰復金牌曰專巡  
偵曰嚴私販曰處茶課曰廣茶價監苑胥庇甲子巡  
撫陝西修復靖虜諸城莊浪諸隘及花馬池諸要害  
罔弗振耀乙丑閔西大歉西戎北虜互相蹂躪大寇  
固原一清單騎馳至瓦亭鐸會主帥曹雄預設伏兵  
寇聞宵遁龍德山正德丙寅復命總制陝西延綏寧  
夏甘肅諸路軍務上四事曰緩土人曰處額地曰廣

招募曰溥賞賚邊土咸賴一清復經畧河套河套者周之朔方漢之定襄赫連勃上所建統萬城也唐築受降城在河套之北正統以後浸失其險既舍受降而衛東勝又撤東勝而就延綏河套為虜甌脫巢穴其中水堅入套東寇宣大西寇寧固厥患無窮乃上六事其一修築定邊營迤東邊墻其二修復寧遠塞邊迤西屯堡其三增設花馬池及興武營衛所其四防禦靈州土達其五整飭鞏州官軍其六增修黑山鎮遠關墩臺悉中機宜丁卯歸休丹徒逆瑾柄國舉獄賴大學士李文正公救免庚午實錄據寧夏

叛仍起公總制西夏罪人斯得遂與太監張永定策暴瑾罪伏

武宗震怒瑾伏誅加太子少保戶部尚書辛未順天應天及山東河南盜起公上疏十一事曰裕民曰增軍曰定賞裕曰宥脅從曰聯鄉保曰充賞賚曰嚴罰禁曰治退縮曰察蒙蔽曰禁奪功曰防奔突

上加納之寇平加少保兼太子太保甲戌乾清宮災一清上疏其一謂視朝太遲其二謂祀郊廟太慢其三謂創梵宇于西內其四調邊兵于禁地其五謂皇莊皇店及織造等事言多切直是年十一月加少傅

兼太子太傅乙亥命兼武英殿大學士入內閣丙子  
上疏論遣太監劉允往西番積忤權貴嗾姦毀復  
乞休歸丹徒嘉靖初大學士楊廷和蔣冕毛紀去位  
上特召用一清首疏起用謝遷時選已八十餘矣一  
清生而隱慧貌類寺人博學多術善為調停久之術  
窮數盡讒邪交構遂復乞休歸卒公所著有石淙集  
督府奏議王堂稿廖道南曰予為編修時值家垂柄  
國見其獎拔善類練達事幾每奏報虜情羽檄旁午  
一夕十疏口占指授悉合神筭有些言已者多從而揚  
之然門生故吏汲汲援引布置穹顯以故其門如市

生機為大必如以云贊曰皤皤國老萬夫之望發跡  
而其揚靈于湘首儲翰書繼督學政握機御戎振威  
宣令三秦底定兩都迴翔國有筮龜士有圭璋政本  
絲綸出而復入嘉猷恒告基命宥密

東閣詞林記卷之三

閣學

文淵閣大學士宋訥

宋訥字仲敏大名滑縣人父崇祿元陝西行臺侍御  
史訥博學強記動遵矩矱性遲重不妄言笑登元至  
正癸卯進士任鹽山縣令洪武十三年徵為國子助教  
橫經發難繫部廓塞學者如歸嘗同諸儒應制撰  
諸勅文操筆立就雅稱

上意遂遷學士十五年五月命撰宣聖廟碑文賜衣  
帽文綺鈔錠秋七月庚戌

上謂訥曰朕觀尚書至敬授人時嘗嘆敬天之事後世中主猶能知之敬民之事則鮮有知者蓋彼自謂崇高謂民皆事我者分所當然故威嚴日重而恩禮寢薄所以然者視民輕故也視民輕則與已不相干而畔渙離散不難矣惟能知民與已相資則必無慢視之弊故曰可愛非君可畏非民衆非元后何戴后非衆罔與守邦古之帝王視民何嘗敢輕故致天下長久者以此而已是月有廣東儒士獻治平策上覽之謂訥曰此人不識道理豈有涉數千言而不及用賢天下之大欲朕一人自理可乎蓋自知而用則所見者狹知賢而用則所及者廣訥對曰賢才在天下人主豈能知之必賴群臣薦舉然得賢與否係所舉在何如爾

上曰小人所舉未必為君子君子所舉未必為小人故觀其舉者可知其人之賢否矣十一月以訥為文淵閣大學士制曰朕觀古今賢者遇君有遲速名譽有先後昔望于蟠溪有飛熊之兆而乃與周八百訥年雖高邁特授是官爾往欽哉未幾以為國子祭酒上復勅諭曰大學賢士所關禮義所由出人材所由興自建學以來歷選師儒以居是職至今未臻其效



豈士習之難變與抑師道之不立與此朕所以夙夜  
究心慎擇老成以任之惟鄉夙學者德可以任此鄉  
宜體朕意使士習丕變邦其有賴焉十八年二月甲  
辰陰晦不雨雪雹如雷訥上守邊策曰今海內旣安  
蠻夷奉貢惟沙漠未遵聲教若置之弗治恐歲久滋  
患邊圉卒荒若窮追遠繫恐士馬疲費餽餉艱難  
陛下為聖子神孫萬世計莫若善備邊之策爾備邊  
固在乎兵食足食又在乎屯田漢本始中匈奴率十  
萬餘騎為寇趙充國乃率四萬騎分屯緣邊九郡單  
于聞之引去夫以四萬騎屯九郡而充國統制其

則當時之籌畫可見矣今諸將中豈皆借才于異代  
哉宜選其有智勇謀畧者數人每將以東西五百里  
為制隨其遠近高下分屯所領衛兵斟酌損益率五  
百里一將彼此相望首尾相應耕作以時訓練有法  
遇敵則戰寇去則耕此長久安邊之策也上善其言  
其為祭酒嚴毅莊敬諸生畏如神明乙丑戊辰兩科  
得士最多而魁選出太學大被賞遇及遘疾

上遣中使諭之畧曰卿稟性純誠疾必速瘥命畫工  
圖其像于麟往候問至廂房疾篤始請歸寢訥厲聲  
曰何風雲氣少兒女情多耶卒年八十

上親為文祭之官其次子復祖為司業廖道南曰往  
予甲戌遊南雍時沔陽魯公鐸為祭酒乃令習誦監  
規乃嘆我

聖祖每戒敕諸生恒曰宋訥云乃知師道立善人多  
訥之名不朽矣彭韶贊曰中州文獻遺緒可徵稽古  
力學飾車以行百僚讓德六館蜚聲嚴而有度樂育  
群英乃叙教條爾準爾繩士皆適用一人以寧制詞  
褒重吾道增榮

文淵閣大學士朱善

朱善字備萬江西豐城人少聰穎十歲能文通五經

四書大義祖雲洞先生嘗謂人曰吾孫他日必為令  
器及壯以經學授徒壬辰兵變隱居鄉里養親教子  
杜門絕跡以聖賢道學為己任奉繼母李氏克盡孝  
道友諒戰爭扶母奔竄十餘日復全人謂孝感所至  
高皇帝平一海內開建學校乃以豐城為富州州守  
強憲中南昌守許方俱延至郡庠教有成效以名聞  
于朝授郡學教授洪武八年廷試諸儒善為首乃以  
為修撰署院事知制誥逾年以奏對失旨謫戍遼東  
復改典籍放還十七年

上思用老成驛召善還京以為待詔七月戊戌

上御東閣謂善曰人君能以天下之好惡為好惡則公以天下之智識為智識則明蓋人之嘗情多矜己能好言人過君子則不然揚人之善不矜己之善貸人之過不貸己之過又曰萬事不可以耳目察惟虛心以應之萬方不可以志力服惟誠心以待之善嘗奏有國者重世臣有家者重世婚近日禮教弗明婚姻混亂或已聘而見絕或既婚而復離議律不精其禍乃至於此成周之世為婚姻者不過齊宋陳杞數國而已故當時稱大國曰伯舅小國曰叔舅世為婚姻可知也列國之君曹衛陳鄭秦晉莫不皆然隆

後世如晉之王謝唐之崔盧潘楊之睦宋陳之好罔不以世婚為重今宜弛禁以通人情別族以明世教上從之十八年命主考禮闈撒棘之日乃超遷奉議大夫文淵閣大學士五月辛酉朔

上御華蓋殿命善進讀心箴

上曰人心道心有荷伏之幾蓋仁愛之心生則伎害之心息正直之心存則邪詖之心消羞惡之心形則貪鄙之心絕忠慤之心萌則巧偽之心伏故人常持此心不為情欲所蔽則至公無私自無物我之累矣八月丙辰善復言曰古者人君至治重在任人蓋任

衆賢為耳目則視聽周乎四海任衆知為計慮則利澤施於萬民今天下太平惟選任賢才宜留聖慮上曰任人之道當嚴於簡擇簡擇嚴則庸鄙之人不進當專於任使任使專則苟且之意不行然必賢者乃可以專任之非賢而專任者必生亂也是任人為難然人亦有謹始怠終者亦有過於前改於後者固不能保其始終惟始終如一者其懷忠報國之心堅如金石安得不任之若匿詐似信懷奸以忠者決不可任也是卒忽遘危疾

上遣醫調治其子逢掖請告還豐城卒年七十有二

屬繼正冠危坐舉手加額曰感荷聖恩無以報也語畢而絕鄉人見有星如虹墜其舍所著有詩經解頤輯釋史輯諸書廖道南曰予幼學詩誦善所著解頤輯釋頗得其要領然而國風民淫宗廟朝廷雅頌之詩爰自千篇刪為三百亦已嚴矣宋儒泥于鄭聲淫之說遂槩以為淫奔而不以進講豈皆作者之本旨哉思欲起善於九原而與之論難又胡可得也林塾蒼曰羨彼雲洞燁有來裔道立教成令聞斯泮乃擢翰林掌 帝之制寵祿不驚皇極經世爰起校文登華振滯墜星有占歸則云遊

東閣大學士吳沉

吳沉字濬之浙江金華人故元國子博士師道子也  
博學有文累徵為縣庠訓導辭不就洪武十二年薦  
授待制十一月甲午朔

上觀漢紀顧謂沉曰人君理財之道視國如家可也  
一家之內父子不異貲其父經營儲蓄未有不為子  
計者父子而異貲家必壞矣君民猶父子也若損民  
以益君民衣食不給而君獨富豈有是理哉丁酉  
上論持身保業之道又謂沉曰人當無所不謹事雖  
微而必慮行雖小而必防不慮於微終貽大患不

於小終虧大德謹小行而無已者可以成大善忽細  
事而不戒者必至於成大惡常人且然况人君乎沉  
對曰聖慮及此誠社稷永安之道

上曰安生於危危生于安安不克慮則能致危危而  
克慮則能制安在於能謹與否爾

上御奉天門視朝畢又謂沉曰人君治天下進賢納  
諫二者真切事也沉曰來之於古克行者鮮矣是故  
亂日常多治日常少

上曰使其真知賢者與治其國何有不好真知諫者  
在于忠已何有不納是其知之不真是以於已難入

若誠能好賢則賢不待招抹而賢自至誠能納諫則不待旌賞而諫者必來沉曰陛下之言及此國家何幸焉未幾降編修十三年六月丁卯復以為待制沉薦教授童冀儒士吳慎遣使徵之十四年冬十月辛酉給事中鄭相奏言尊無二上稱臣於東宮是並所尊矣沉駁之曰東宮國之大本所以繼聖體承天位者也臣子尊敬之禮胡得而異焉請凡啓事東宮如舊制

上從之十五年十一月戊午乃以為東閣大學士十六年二月上

上將享太廟沉進精誠錄先是

上謂沉曰朕閱古昔聖賢其垂訓立教大要有三曰敬天曰忠君曰孝親君能敬天臣能忠君子能孝親則臣道立矣然其言散在經傳未易會其要領爾等其以三事以類編輯至是書成

上覽而善之命沉撰序三月沉因講周書至國則罔有立政用儉人

上曰甚矣國家不可有小人有小入必敗君子故唐虞任禹稷必去四凶魯用仲尼必誅正卯沉進曰書言去邪勿貳所以深致其戒

上曰國家不幸有小人如蓄藥毒不急去之必為身  
患小人巧于悅上忍於賊下人君若喜其順已而恣  
其所為將無所不至矣沉曰小人中懷奸邪而言似  
忠信不可不察

上曰然小人善於逢迎彼知人主所樂為者不顧非  
義乃牽合附會曰是不可不為人主不樂為者不顧  
有益於國家亦牽合附會曰是不必為此誠國之賊  
也自古知人固難而知言亦不易八月丙戌以進講  
後期降侍書尋改博士十九年七月丁丑卒沉富蓄  
書覽嘗因奏對誤遷涇源教諭未行改典藉陟大學

士考功監劾其怠事降侍讀終博士三仕三已無  
愠人以此多之廖道南曰予觀沉所進精誠錄其學  
粹乎正矣至論小人不可用斷斷乎其為確論也金  
華之學沉亦可取矣贊曰於乎君子浙水之英奇氣  
渙發正學端純精誠有錄格於皇天天心克享秉志  
彌堅三仕三黜喜愠不形於乎羣浙水之英

文淵閣學士兼左春坊大學士解縉

解縉字大紳世居鴈門厥後徙居吉水遂為吉水人  
曾大父應辰元高安教諭應辰生子元子元生開先  
開先生縉縉生而穎悟奇絕五歲誦書七歲賦詩十

明學記 卷三 九  
歲日記數千言十八舉江西鄉試第一洪武二十一年計偕如京師考官劉三吾閱卷極其稱賞名遂大振與弟綸暨女弟之夫黃金華同舉進士

皇祖親加簡拔選縉及金華為庶吉士讀中秘書日侍左右特被寵眷一日寓大庖西室諭之曰爾縉試舉今日施政所宜直述以聞縉即屬草以進其畧曰陛下得國之正非漢唐宋所及取天下于群盜抹民生于塗炭命將出師皆受成筭不假良平不倚信布女寵外戚寺人藩鎮之患消蠹底定且不邇聲色不貨利不為遊畋又遠過漢唐宋之君而無愧三代

盛矣夫令出惟行也不宜數改令數改則民疑期無刑也寧失不經刑太繁則民玩今好善而善不顯善者未必蒙福惡而惡日滋惡者未必蒙禍臣願篤傳信之本加慎密之功喜怒一聽于天理存養無間于須臾夫人君不以察為明也元首叢脞則股肱惰萬事皆廢人君當以德為政也帝德罔愆則衆志應天命用休今畏天畏鬼神矣畏民則未至治民治強暴矣治心則未至臣願畏民為畏天之本治心為治民之本祭不必瀆受無咎之福神不必勞享無為之治夫經正則庶民興故孟子距詖行息邪說臣



願上泝虞夏商周之華輿下及濂洛關閩之佳葩釋  
老之壯者驅之復于人倫經呪之妄者火之絕其欺  
誑斷瑜珈之教禁符式之條夫名不正則言不順故  
賈生定官名易服色臣願明經制以任諸侯王于衆  
職推恩義以待百執事于一體大臣不施辱罰屬官  
不加捶楚夫禮樂不備非所以協神人臣願配天復  
掃地之規尊祖隆七廟之制祀列聖于太學祀孔子  
于諸學而又訪求審樂之儒大備禮經之缺夫險要  
防非所以保邦國臣願開武舉以收英才擇關隘  
重鎮額設弓手課之以弓弩兼教民兵習之于

五  
農而又時申戒飭之令特重官守之防夫風俗不  
正非所以視民趙臣願倣藍田呂氏鄉約及浦江鄭  
氏家範率先於世族以端軌則夫田稅不均非所以  
厚民生臣願行授田均田之法擬常平義倉之舉積  
久以歲月以豐財賦夫臺綱不肅非所以厲清要長  
風采今御史糾彈咸承密旨未聞舉善但日除奸臣  
願去朋姦倚法之條使民有所恃而不恐夫賢路不  
清非所以勵頑鈍獎忠貞今椎埋囂悍列布朝省朝  
捐刀鑷暮擁冠裳臣願遵鄉舉里選之法使民有所  
勸而為善尤願

陛下推所以愛臣之心以愛天下推所以待臣之心以待萬物幸垂鑒焉奏凡數千言

上嘉其識時兵部侍郎沈潛忌縉才誣其狎侮胥隸上慮其中傷郎拜江西道監察御史值都御史袁泰構害張昶怙勢恣橫諸御史莫敢糾其非縉執筆起草力詆其奸狀又代虞部郎中王國用論救王國公李善長冤疏

上又慮其涵養未至召縉父謂曰才之生甚難而大器者晚成其以而子歸益進其學又謂縉曰朕於爾君臣恩猶父子其歸益盡心于古人後十年

朕大用爾未晚也縉侍父歸感恩勵志所造益深矣高皇帝升遐縉馳赴臨權臣構害謂赴臨非詔旨遂謫河州未幾召還入為待詔一日於宮中披覽建文時群臣所上封事千餘通

命縉編閱有關政治者留覽餘悉焚之

文皇靖難雅聞縉名拜侍讀學士階奉訓大夫初開文淵閣簡用七人備顧問以縉為首諭之曰爾七人朝夕相與共事鮮離左右朕嘉爾等恭慎固在宮中亦屢言之然恒情保初易保終難朕常存於心爾等亦宜謹終如始庶幾君臣保全之美縉對曰陛下不

以臣等淺陋俯垂信任敢不策勵圖報

上喜各賜五品公服又曰皇后欲召見爾七人命婦其郎令赴柔儀殿見之永樂元年十二月壬辰

上御謹身殿閣

高祖御製文集諭縉曰皇考文章天資超邁然亦學問所至觀其所著皆天地之心帝王之度語簡理至藹然可見朕於宮中編索宸翰不可得有言建文君自焚時并寶璽皆毀矣意者其有逸帙乎縉對曰國初佐命之臣理當有之於是遺書諸藩索之三年八月己丑縉進呈大學正心章講義

上覽之至再諭之曰人心誠不可有所好樂一有私弊泥而不返則欲必勝理若心能靜虛事來則應事去如明鑑止水自然純是天理朕每朝退默坐未嘗不思管此心為切要十二月進文獻大成賜宴禮部是歲文華宝成

上賜皇太子諭縉曰朕皇考訓戒太子嘗采經傳格言為儲君昭鑑錄朕此書稍加克廣益以

皇考聖謨大訓以為子孫帝王萬世之法誠能守比足為賢君昔秦始皇教太子以法律晉元帝授太子以韓非書帝王之道廢而不講此所以亂亡朕此書

皆大經大法卿等兼輔東宮從容閒暇亦當以此為  
說庶幾成其德業他日不失於守成令主嗣後纂修  
高廟實錄及永樂大典命縉為總裁官先是  
上與其國公位福等二三大臣議建儲諸臣咸謂高  
煦有扈從功

上不以為然召縉密議事遂定立

仁宗為皇太子高煦為漢王加縉為學士兼右春坊  
大學士階奉議大夫未幾福等初議泄于外高煦知  
之憾縉獨深遂請于

上曰縉即舊臣無泄者其縉泄之乃坐縉斥

不公罪出為廣西參議既而禮部尚書李至剛  
怨望改交耻八年入京奏事時

車駕北征

皇太子監國縉伏謁徑歸高煦聞之又請縉私覲儲  
君無人臣禮復窺交耻之化州檢討王備任謫所發  
與同趙廣東之化州縉復上言請用數萬人鑿嶺江  
上大震怒徵逮詔獄拷掠備楚詞連大理丞湯宗中  
允李贊贊善王汝玉編修朱紘檢討蔣驥潘幾蕭引  
高經歷高得暢及李至剛相繼死獄中縉子禎應禎  
亮舉家俱戍邊

案時必獄者惟貫汝玉編引高  
得暢五人

仁宗登極特宥還官其子禎亮為中書舍人縉襟字曠畧絕無城府喜引拔士類如曾肇等二十八人俱所獎進

大宗嘗命縉評諸臣縉以實對於蹇義曰其實重厚中無定見於夏原吉曰有德有量不遠小人於劉儻曰雖有才幹不知顧義於鄭賜曰可為君子頗短于才於李至剛曰誕而耐勢雖才不端於黃福曰秉心易直確有定守於陳璘曰刻於用法好惡頗端於宋禮曰慙直而苛人怨不恤於陳洽曰疏通警敏亦不失正於方賓曰簿書之才狙獪之心既奏

上以授仁宗曰李至剛朕洞燭之矣餘徐驗之

仁宗嘗問建文所用諸臣縉對曰此皆洪武中人才往事不足論已問尹昌隆王汝玉曰昌隆君子而量不洪汝玉文翰不易得所惜者市心爾縉卒後十餘年仁宗出所評十人者示揚士奇曰人謂縉狂士今乃知非狂士也揚士奇銘其墓曰千里之足越國過都或一蹙之不虞搜楠百尋其才之存寧見捐于匠輪郁乎紛々五采承日競瞻望以忻快何泯沒之端疾于將地下其神不死尚有光華天漢之淚廖道南曰縉負奇氣抱雋才意與所到肆筆成章水搏蛟

蚪陸剽犀象淵乎其不窮浩乎其若有餘其自視何如者

高皇網羅英俊智屈群策當時翊運元臣雖親如善長貴如廣洋惟庸近侍如安如漁如觀如素雷霆所擊罔不震懼縉以一少年上庖西萬言疏批鱗逆心罔所諱忌而

聖度優容令其進孝才難之嘆猶可想見規模真弘遠矣召旋河隗踐歷清華密贊建儲有故老舊臣所不及知而獨幹運廟模措神器于磐石視古英哲何以加諸然諫阻交阨力抗權倖卒罹于讒莫之救

悲夫贊曰董子三策賈生萬言誓曰直河朔風孤縉也奇才國士鮮儷遭際

貞龍逆麟弗諱河朔既窳日南載遷魂飛湯火殄瘁時憐文貞銘辭勒于貞石潛光益彰照耀方策

文淵閣大學士胡廣

胡廣字光大江西吉水人延平守子祺之孫永豐丞師尹之子也幼受學於叔祖子貞及長之聞從黃仲畚將建文庚辰舉進士第一賜名靖受修撰

文皇登極簡用儒臣入文淵閣擢侍講疏請復其舊名允之踰月改侍講階承德郎

明史言廣為子祺之子祺名書昌以字行

上一日問百姓安否廣對曰群縣窮治姦黨外親深  
為民厲詔免究賴全活者甚衆四年七月又問曰罪  
有中官自江西來言田家刈稻已畢何獨大旱對曰  
臣鄉民多勤且多種早稻

上曰勤之一字豈獨農家為然至于人君尤當致勤  
於心朕每退朝靜坐必思今日所行幾事果當于天  
理合於人情則心安矣否則中夜必思命左右記之  
俟旦改之蓋一事失當民受其弊故不得不勤爾廣  
對曰誠如

論未幾陟右庶子仍兼侍講四年七月命撰仲水

山碑文

皇太子立遷廣為學士兼右春坊大學士階奉政大  
夫諭吏部曰廣等侍朕日久繼自今秩滿勿改外任  
五年七月命同其國公丘福等輔導

皇太孫賜之勅諭畧曰宏材之建必由匠石之功圭  
瓚之成必假琢磨之力卿等皆茂簡德藝職輔導東宮  
東宮之子必資寅弼宜協心同志輔導于成推廣仁  
義道德之源開陳二帝三王之治涵養本原恢弘智  
量以成其德器庶國家有無窮之休卿等亦有無穹  
之聞五年冬廣進呈文字

上覽之稱善問曰黃淮不稱于揚士奇何也廣對曰淮有政事士奇有文學蓋因解縉重士奇輕淮故併及于臣

上曰知汝不容于淮惟朕不為所惑廣頓首謝六年七月命撰淳泥國恭順王碑文七年二月甲戌

聖學心法成諭廣曰古人治天下皆有其要雖生知之聖亦資孝問由唐虞至宋聖賢明訓具著經傳然簡帙浩繁未易遽領帝王之學惟得其要篤信力行足以為治朕惟皇太子天下之本今當進孝貴在知要朕因機暇悉輯古聖之孝如執中建極切于身心

家國天下者類為成書卿等試觀之廣曰帝王道德之要備載此書宜與典謨訓誥並傳萬世八年

上大閱誓師聞瓦刺使者言諭庶曰國家無所用兵今日此舉非得已也廣對曰孔子所慎齋戰疾顧致謹焉

上曰孔子又言我戰則必勝祭則受福誠敬之至效可必也三月丙子

上北征次凌霄峰諭廣曰諸將比來不進一言何也廣曰成筭在上莫之能裨

上曰好問則裕自用則小雖聖人資于芻蕘朕曷敢



任已以掩群策暨旋師廣等頒賚有差九年督罕提  
吉并女直野人來朝

上諭廣曰朕非欲併其土地良以此革貪殘救為遑  
患未歲賂以金幣剥民膏血若餌虎狼今既畏服授  
官賜賚捐小費以弭大患可也十一月乙巳重修

高廟實錄命廣同胡儼等為纂修官十二年十月甲  
寅諭廣等曰五經四書皆聖賢精義要道其傳註之  
外諸儒議論有發明餘蘊者爾等采其精語增附于  
下其周程張朱諸君子性理之言如太極通書西銘  
正蒙之類皆六經羽翼爾等亦別類成編務極詳備

庶幾可垂後世命廣為總裁官書成廣等撰表進

上親製序文擢廣為文淵閣大學士時禮部郎中周  
訥建請封禪群臣多從之廣撰却封禪頌以進

上大嘉賞十六年五月嬰疾卒年四十九

仁宗登極贈官賜謚奠章有云鄉德行文學士林所  
重事我

皇考論思宥密十有七年清慎恭勤始終一節輔朕

春宮小心直諒今特加贈榮祿大夫少師禮部尚書

謚文穆仍賜其家金鈔文綺官其子種為檢討楊士

奇銘其墓曰經國所資文武並施惟武以靖惟文以

治魏魏

太宗統御九有任武暨文如左右手分職詞垣十有  
九禩秉恭執勤司帝之制玉冊金簡天章尤文光華  
曰星敷宣帝仁萬幾燕閒清問前席公所入告惟帝  
時懌公所蓄志寬惠被下沕穆泯焉密贊鴻化春宮  
輔德平直之行二聖惟明獨鑒公誠好文之朝儒林  
之首人聳其瞻公眎無有泊虐之存簡肅之度彼其  
何心有好有惡冤章駢繁實歿猶始始終之全曠代  
其幾金螭柱左文江左右埋壁看光上貫牛斗庚道  
南曰

國朝選士擢冠于廷者自吳伯宗任享恭輩為始  
皇祖至廣益大以肆表章六經及性理諸書可謂有  
大造于後學者觀其扈蹕幃幄之籌與夫典樞綸綍  
之文蔚然炳矣觀文貞以下鮮與其儔云贊曰東壁  
之暉月台星聯西崑之岫玉澤珠懸彼美人兮龍見  
于田運逢九五風雲翕為本天親上上際九玄本地  
親下下徹九淵士俊迴翔頡頏誰先宏猷秘畧公也  
則然

吏部侍郎兼學士曹鼐

曹鼐字萬鍾真定寧晉人曾祖克柔祖庭訓父祉咸

明學記  
隱德弗耀菲幼有遐志日誦數千言居常篤行事繼  
母備極孝養初舉鄉薦中乙榜受代州學官疏辭不  
受銓曹銜之改任泰和典史時中使勞午置郵無虛  
日罪處之裕如公暇即延禮師儒講明理性宣德壬  
子督部工匠赴闕疏乞入試中第一至楊文真公一  
見奇之明年廷試

宣皇策以義禹河洛象數萬對稱旨

上親擢第一授翰林修撰從揚文定公遊所得益深  
英廟初御經筵掄選講讀官鼎首預為敷納明暢聞  
翁聳敬預修

宣廟實錄轉侍講五年簡入內閣參知政事甲子進  
學士乙丑廷試讀卷得商輅為第一是歲陟吏部右  
侍郎仍兼學士己巳五月戊申鼎奏侍講劉鉉修撰  
王振堪教厯吉士修撰許彬郎中潘勤堪督四夷館  
從之七月虜酋也先大舉入寇中官王振力請親征  
上命武官英國公張輔等文官兵部尚書鄜堃等及  
鼎與侍讀學士張益扈從巡邊是月壬寅

車駕次鷄鳴山癸卯次萬全峪是夕金星犯亢甲辰  
次懷安是夕黑氣四塞乙巳次天城丙午次陽和是  
夕火星犯土丁未次聚落驛戊申次大同庚戌次雙

寨王振蔚州人邀上幸其第辛亥次滴水岩壬子次  
洪州癸丑次白登王振益恣迫挾進兵成國公朱勇  
膝行聽命戶部尚書王佐竟日晚伏草中噤無一語  
惟欽天監正彭德清首斥振曰象緯示警不可復前  
若有疏虞陷乘輿于草莽誰執其咎罪繼之曰臣子  
固不足惜

主上繫宗社安危豈可輕進振怒詈之曰儻有此亦  
天命也八月辛酉次土木命太監吳亮相地布營陣  
未定虜已據南河次日虜偽退王振復矯制起營追  
之虜大蹂躪我師敗績死者十餘萬人孳及諸臣五

十二員皆死之

帝聞之贈葬榮祿大夫少傅吏部尚書文淵閣大  
學士謚文襄遣官諭祭官其子恩為大理評事

英宗復辟加贈太傅改謚文忠文官其孫為錦衣百  
戶廖道南曰予觀李忠文公及劉文安公奏疏謂自  
右夷狄之禍未有甚于土木之難者夫漢之冒頓桀  
黠方張唐之安祿豢養已久宋之遼金及元則又中  
國偏安勢非其敵我

明當前盛之時王用三驅獲狐射隼而乃受制闕豎  
親勞六飛至使全師覆沒善人殄瘁如隳者哀然為

廷魁首元喪犬羊身膏草野不亦可悲乎予故備述  
國史亦以為世鑒也已贊曰六龍北狩八駿西馳龍  
沙遼貌狼山逶迤矯矯倫魁耿耿大節其身雖隕其  
神猶烈人亦譽泰山鴻毛之子之死當辨秋毫

文淵閣大學士彭時

彭時字純道江西安福人正統戊辰進士第一授修  
撰已巳

英廟北狩郕王監國命時奪情起復入文淵閣陞侍  
讀賜五品服時請終制不允值易儲遷左春坊大學  
士寰宇志成陞太常卿兼侍讀天順元年九月

上御文華殿召時入見問年幾何時對曰犬馬齒四  
十有二

上笑曰年方壯可用也覆命入閣兼學士時徐有貞  
既去許彬薛瑄岳正呂原相繼拜命及李賢復入欲  
于閣中南向坐時曰不可

宣宗臨幸跡猶在也賢曰東閣何獨正坐時曰東閣  
西向內閣南向恐非臣子所敢專且華蓋謹身文華  
殿英皆

至尊所御設官兼殿止可侍坐備顧問正坐非禮也  
賢語塞戊寅二月恭上

聖烈慈壽皇太后徽號時條上寬恤數事詔班行之  
仍賜金綺有差十月扈

駕校獵于南海已卯賜遊西苑五月端午賜觀驃騎  
七月賜遊南內庚辰

上御南薰殿召時同李賢呂原入命內侍鼓琴賜博  
帶十二月閱射西內召時同觀

憲宗即位陞吏部侍郎知經筵尋進兵部尚書兼學  
士給假歸省遣中官護行因四川地震時上言十

賜麒麟服總表

美廟實錄成加太子太保兼文淵閣大學士

懿懿皇太后崩時上言請如漢文葬呂后宋仁葬劉  
后故事不報時同禮部尚書姚夔率百官伏文華門  
號泣爭塋禮

上感動從之戊子九月丙寅彗星見時上言正宮闈  
廣儲嗣數事是歲改吏部尚書賜玉帶己丑冬無雪  
時上言三事因及

景帝固安公主及笄宜出嫁太監劉永誠冒軍功不  
宜封以伯爵從之丙辰十二月庚辰時上言比者彗  
見天田西掃太微北近紫宮警懼遣告可謂至矣因  
條上七事一曰正心術二曰謹命令三曰親接見四

曰慎賞罰五曰納諫諍六曰勵官守七曰恤軍民  
上嘉納之是歲加少保卒贈太師謚文憲官其子頤  
為尚寶寺丞廖道南曰予觀可齋記乃見文憲公之  
貞朴非若文達公之多智也及讀國史謂時端慎嚴  
密外和內剛立朝三十年未嘗不在公公退未嘗語  
子辭賦政事於乎今之君子何獨不然温室之對可  
謂永鑒也已贊曰漢稱丙魏吉知大體唐稱姚宋璟  
能正己惟明達務惟介知止於乎文憲無愧斯語

文淵閣學士階兵部尚書由衷

苗衷字秉彝鳳陽定遠人永樂辛卯進士及第授編

修宣德初預修

兩廟實錄轉侍讀正統紀元侍經筵預修

宣朝實錄進侍讀學士命入內閣典機務乙丑充  
試讀卷官丁卯擢兵部侍郎兼前職戊辰廷試讀卷  
得彭時為第一景太初陟兵部尚書兼學士乞休  
景帝賜勅曰卿以科目高第發身事我

皇曾祖考以至於朕凡四十年歷官翰苑寅畏小心  
朕方進鄉以大司馬兼翰林長官冀有倚毗曾未幾  
時遽以老辭揆之古先哲王求舊之美固不能忘而  
士大夫甘退之節亦不可拂特賜寶鑑金綺給舟以

歸以副朕懷賢念舊之意卒贈榮祿大夫加少保謚  
文康子孫為監察御史廖道南曰予觀中都志載苗  
文康素履弗得其詳及讀國史稱其為人溫厚簡重  
外和內莊諳于世故樂道人善修然有塵外之意予  
始知文康之風歎哉歎矣贊曰嵩嶽龍從趨于中都  
渾河光洋風氣鬱紆乃生文康躋陟龍圖嬉笑叱咤  
咳唾璣珠急流勇退上嘉兩疏國史如丹尚有嘉謨

文淵閣學士贈禮部尚書馬愉

馬愉字性和山東臨朐人宣德丁未進士第一授修  
撰上統初轉侍讀侍經筵預修

宣廟實錄進侍讀孝士庚申命入內閣乙丑遷  
侍郎兼侍讀學士嘗奏讞疑獄多所平反兩考會試  
甄拔才雋人咸稱之忽晨起趨朝仆不能語事聞  
命醫往治越四日卒年五十三

上聞嗟悼賜棺槨賻錫萬緡命有司營兆域贈禮部  
尚書兼學士舊例贈者無兼官兼之自愉始廖道南  
曰予觀山東志謂愉淳雅寬厚行義可式及讀國史  
則又云端重簡默自處澹如門無私謁於乎使居台  
揆者其門如市其心如冰亦何愧于愉哉贊曰青州  
之野象應虛危倫魁之擢文炳壁奎商彭匪壽子淵



匪天大化司之若彼莽眇於乎若人入掌絲綸胡為  
遽墮天奪良臣天奪之良不憇遺老蒐幽秘史丹青  
厥貌

文淵閣學士贈戶部尚書江淵

江淵字時用四川江津人宣德庚戌進士選庶吉士  
授編修轉侍讀正統己巳陞刑部侍郎又改戶部侍  
郎兼學士景泰辛未主考會試得吳匯為首元尋命  
巡視淮徐諸郡淵條奏二事一淮之常盈徐之廣運  
諸倉俱在城外宜築月城以守之一天津為北河之  
會鳳陽為中都之會宜放操軍以守之一河南為中

原之要地比平為京師之巨甸宜選民兵以守之疏  
上命所司議行尋改吏部左侍郎景泰壬申以易儲  
事加太子少師入內閣預機務

英宗復辟刑于謙王文王誠舒良張永王勤于市謫  
陳循江淵俞士聰項文曜克鐵嶺軍後石亨敗復其  
官廖道南曰予觀景泰時陳循柄國凡厥有猷有為  
者咸程厥能效厥用然而任怨太深操推太重怨叢  
則衆怒權踰則主疑如江時用等才固可取而志亦  
可恤也循之明于知人暗于知己又胡足恤乎贊曰  
兩川浩渺玉壘攸崇千崖屹嶻金峨是宗驚靈為相

祉字為辟子糾小白建成元吉君子于茲權其重輕  
師臣雖美儲位當寧於乎時用昧於時中鍼嶺之後  
請視勳庸

文淵閣學士贈禮部尚書許彬

許彬字道中山東寧陽人永樂乙未進士選庶吉士  
授檢討宣德中秩滿轉修撰正統己巳曹鼐推奉提  
督四夷館九月陞大理少卿尋遷太常卿景泰庚午  
議遣近臣奉迎  
聖駕于沙漠彬毅然請行曰主辱臣死分也八月辛  
酉也先于土臺設坐于上率眾膜拜奉辭

天上皇進良馬貂皮遣得知院等護送至野狐嶺仍  
遣五百騎送至宣府彬謁見

太上命駕罪已詔勅諭文武群臣仍遣兵祭木土陣  
亡官軍

英廟復辟遷禮部侍郎兼學士入文淵閣參知政事  
嘗薦王欲治河果有成績及石亨專橫憾岳正忤已  
并及於彬調南京禮部未幾出於陝西參政亨敗乃  
復其官卒贈禮部尚書廖道南曰予覩天順日錄及  
表彬李實揚善紀行紀乃知許道中之大節亦不可  
誣也夫晉之懷愍宋之徽欽蓋興奔播于龍沙哀凜

蒙塵于狼胥良以中國諸臣徇于細節闔于遐覽拘于瑣務暗于遠圖未有若我朝

黃廟之全福而諸臣建策遠出晉宋之上如許道中者詞林中之翹楚也贊曰龍庭荒漢六飛迴翔虎閔嚴闕萬乘趨蹌備哉志士捐生為國捧日以還赫業上推賢讓能綽焉有容立名不朽於平道中

文淵閣學士階禮右侍郎薛瑄

薛瑄字德溫山西河津人曾祖常祖仲義皆通經教授鄉里父貞領鄉薦為真定元氏教諭再調玉田母齊氏夢一紫衣人入謁遂生瑄于學舍初生肌如冰

晶五臟皆露祖仲義聞其啼声曰必異人也洪武己卯父貞改除馬湖吏目瑄撰平雲南賦黔國見而奇之永樂己亥父貞復除鄢陵教諭與子瑄發解河南明年丁丑登進士宣德戊申授監察御史差監湖廣銀場手録性理大全潛心誦讀深有所得著讀書録正統紀元擢山東檢事提督李政首以朱子白鹿洞規開示學者講明理性多所造就揚文真公薦之入于大理少卿撰大理箴以自警時大監王振專柄錦衣指揮馬順附之會有百戶病死其妾誣妻殺其夫瑄白其寃都御史王文諧之于王振振怒嗾言官劾

之詔逮之獄處以大辟兵部侍郎王偉申救除名放  
歸正統己巳給事中陳信薦起為大理寺丞命督餉  
貴州戶部侍郎江淵薦之陞南京大理卿蘇州有餓  
民火富室之廬者王文復往按其事坐以謀逆連及  
五百餘家瑄又白其寃文謂人曰瑄岷強猶昔瑄曰  
辨寃獲咎又何憾為既而執之愈力賴以平反者甚  
衆天順初都御史楊善薦之特召為禮部侍郎兼奉  
士入內閣一日

英宗御便殿召瑄入語移時諄諄啓沃皆有関于聖  
孝君德者是科命主考會試瑄以復性為問得剡定

之為省元時曹石冒功亂政瑄曰君子見幾而作寧  
侯終日耶即上疏乞休卒年七十六子四人孫祺奉  
進士李爰達公銘其墓曰昔有王氏鳴道河汾流風  
餘韻以哲休聞乃若薛公不以自足濂洛閔閻意向  
甚篤稽其出仕實始為親敷歷中外進孝日新孝既  
日新道亦有得身軀力行志無少息操履堅定外物  
不移中心自固夫豈有私富貴利達患難貧賤隨處  
而安曷有欽羨成就後孝大小不遺由粗而精以隨  
其資嗟今之人無公所好公今已矣誰臻其與廖道  
南曰予幼誦讀書錄以為程朱語錄之後即有此書

及覩國史乃見劉文安公定議謂瑄直躬慕古談道  
淑徒進不附麗退不慕戀允為一代名臣然論其可  
朱熹之卒未若黃榦輔廣之親承微言金履祥許謙  
之推衍緒論推之從祀似亦為過也彭韶贊曰力行  
好古進趨有程寤寐河洛以究春陵敷歷中外大棘  
之鄉縲絏非罪復起而丞貳卿掌制以弼以承豈寶  
遠而志可行乞年以退惟道之楨

遠字疑當作可深

文淵閣學士兼右春坊大學士呂厚

呂原字逢原浙江秀水人父嗣芳為萬泉教官卒于  
任原孤貧假館養母郡守黃懋憲奉充邑庠生正統

酉鄉薦第一明年進士及第授編修癸亥預修五倫  
書賜寶鏹丁卯被選進學東閣侍經筵景泰初遣祭  
于蜀歸充經筵講官轉侍講壬寅遷右中允兼侍講  
是秋進侍講學士兼中允癸卯預修歷代君鑑錄主  
考順天鄉試乙巳預修寰宇通志明年擢右春坊大  
學士仍兼侍講天順初改通政司左參議兼侍講主  
考會試時徐有貞既黜薛宣請老乃特用李賢并召  
原與岳正入內閣命原兼學士總裁一統志成有金  
帶玉杯之賜壬午守制歸躬視母坐哀毀踰節期年  
卒年四十五贈禮部侍郎謚文懿子常為太常卿廖

道南曰予觀楊文懿公誄原之父有曰繫樛李之鍾  
秀兮挺碩人其頎頎植仁義以為本兮橫百行以為  
枝劉文安公輓原有曰君子非始之難而終之難若  
公之終孝不忘于其親則無愧于其君矣蓋嘆逢原  
之學所從來者遠矣及國史所載謂其為人寬厚不  
立崖岸事母抚孤克盡孝友其在內閣多所裨益郡  
志亦稱其內端外和與物無競程篁墩文葺遺事謂  
居官二十年家無田宅為學務實踐不事多言蓋皆  
實錄也贊曰樛李之域龍淵是名嘉禾之秀虎觀有  
人惟陸宣公為唐內相惟呂逢原為明人望文懿所

諱文安所哀於乎已矣上燭中台

文淵閣學士贈禮部尚書王一寧

王一寧字

浙江仙居人十三能詩父峻任國子

監丞一寧從侍時

仁宗在春宮聞其善抚琴召見命賦銀河詩嘉之俾  
就國子監讀書未樂戊戌舉進士授吏部稽勳主事  
松文華殿供事秩滿改修撰曹鼎薦教庶吉士萬安  
等預修

宣廟實錄成轉侍講兩命為京闈考官正統戊辰遷  
禮部右侍郎景泰初勅往湖廣督理軍餉明年召還

轉本部左侍郎兼翰林院學士命入內閣預機務以  
中官王誠輩嘗受業報其私恩也壬申易儲進太子  
少師仍兼舊職尋卒于官贈太子太保禮部尚書謚  
文通廖道南曰古之豪傑之起也固不拘其類後世  
則不然乃若王伾王叔文李訓鄭注之儔或以他伎  
進卒敗其身而動搖宗社故曰君子未嘗不欲仕也  
又惡不由其道王君始由狎客射策甲科終由佞幸  
司綸秘閣君子奚取焉亦以寓勸戒焉爾贊曰天台  
窈窕赤城霞標鴈蕩摩雲龍湫噴霄允矣王君夙穎  
善鼓琴潛邸校藝京寮卒階崇秩德音奚昭

蕭鏞 文淵閣學士階戶部尚書蕭鏞

鏞字孟勤江西泰和人宣德丁未進士歷度吉水  
後編修正統初預修

因

宣廟實錄轉侍讀未幾陞祭酒勤于訓士矩度整肅  
嘗欲乞歸監丞鮑相合師生三千餘人慰留如陽城  
景泰辛未召入文淵閣兼學士尋擢戶部侍郎命議  
易儲事鏞曰無易樹子霸者所禁况天朝乎不聽加  
鏞太子少師因天變上疏論時政甚切修寰宇通志  
充總裁官書成陟戶部尚書加太子太師仍兼學士  
廖道南論曰予觀丘文莊贊辭謂鏞蒼然古色淵然

德光進有所施舍可以藏知鉉為可人也及讀國史稱鉉言動溫雅性多猜忌遇事亦退避方景泰易儲時則顯言以爭及加官秩則又醜顏以受是遵何德哉贊曰文江之源靈氣鬱蟠仁山之麓英乂挺生傑哉孟勤勿抱巨志繼踐金華徘徊廊宇時政有疏秘省有書力爭易儲德也不孤

文淵閣大學士陳文

陳文字安簡其先湖廣茶陵人有名蘭孫者其仲子欽徙居江西之廬陵文幼英敏甫弱冠即魁多士正統丙辰進士及第授編修癸亥被選東閣進士也

已秋滿轉侍講景泰庚午主考順天鄉試以高文毅公薦補雲南右布政轉廣東左布政天順改元召旋拜詹事癸未遷禮部侍郎兼學士入內閣甲申改吏部左侍郎與李文達彭文憲同心輔政成化乙酉陞禮部尚書總裁

英廟實錄加太子少保文淵閣大學士卒年六十四贈榮祿大夫少傅謚莊靜官其子璋為中書舍人廖道南曰予觀劉文安所著陳莊靜傳丘文莊所撰哀辭咸謂文出歷外藩入長宮端受密命贊化權謨謀毗益眷注日隆及觀郡志亦稱為一時之能臣而國



史小傳則寥上數語於乎若人者吾奚得而名狀之哉贊曰文達之才如崇通變文憲之介如景守正莊靖於時同心輔政無言無爭惟寧惟靜出歷二藩入踐三台周旋曲折亦已焉哉

文淵閣學士階兵部尚書尹直

尹直字正言江西泰和人景泰甲戌進士選庶吉士授編修轉侍讀直上言典章制度必大備于文明之朝著述纂修當不廢于承平之世我

祖宗神功聖德雖登于秘史其儀文法制未載于全書雖有諸司職掌然遺畧尚多更草不一欲示永久

局種大成乃若通鑑綱目起自周威烈王迄于五季茲宜續修以成巨典

上是其言尋進侍講學士上言災異修省二十二事轉吏部侍郎兼學士入內閣加太子少保兵部尚書兼學士主考會試得程楷為第一是科得人最多如蔣冕費宏劉春毛紀時江右李孜省用事鄉宦多附誣之直密與通但其斥中使季毅之巫辨御史吳珍之寬人又稱之卒謚文和廖道南曰予讀直所撰瑣綴錄力詆吳與弼之為人及諸勝已者悉加媒孽心竊疑之既而讀國史狀直之心如其所撰者不爽也

贊曰大江之西吉水之濱英才疊出多為名臣直負  
修能屢有啓沃論史有疏瑣綴有錄顯斥與弼潛附  
我省國史如丹洞燭幽隱

文華閣學士階禮部尚書彭華

彭華字彥實江西安福人景泰甲戌會試第一選庶  
吉士授編修天順中以多支廩餼坐除名賴大學士  
李賢救免成化初轉侍讀克經筵日講官進侍讀學  
士預修宋元綱目成陞學士文華大訓成遷詹事兼  
學士丁未陞吏部左侍郎仍兼學士入內閣尋加太  
子少保禮部尚書先是江右李孜省以小吏致位

佐華私附之又與大學士萬安結為心腹以故肆謔  
投間亟亟若狂如尚書李秉王如馬文昇秦紱侍郎  
邢讓祭酒陳鑑與其同鄉劉宣羅景相繼斥逐華之  
力居多未幾輿疾歸卒謚文思廖道南曰予觀吉安  
志謂華才識超邁望重一時及讀國史累千百言皆  
極其醜詆又謂羅倫之逐張元貞之劾皆原于華予  
不敢盡信姑存其著者贊曰漢之廣受咸事儲皇宋  
之郊祁並善文場乃若二彭蓋簪玉堂文憲何猶文  
忠何狂既昧介石猶漸復隍彤管紀之云胡不臧

文淵閣學士贈禮部尚書劉定之

劉定之字主靜江西永新人正統丙辰會試第一明年進士及第授編修正統己未六月定之上言十事一曰謹號令二曰察人才三曰處降夷四曰重守令五曰杜奔競六曰訓武臣七曰嚴考課八曰惜名器九曰遵服制十曰禁淫奔疏上留中秩滿轉侍講景泰庚午定之上言自古夷狄之禍未有甚於今日者昔晉懷愍陷于匈奴宋徽欽陷于女真皆因邊塞外破藩鎮內潰救援不集播遷無所未有若今日舉天下之大合數十萬之衆奉

上皇于沙漠委以輿瓦刺者也晉宋既遭此禍之

元帝繼統高宗嗣服皆舍棄舊都偏安一隅尚能存既衰之勢抗方張之敵未有若今日也先入寇直抵京城奉

上皇以來而天下之大數十萬之衆聽其自來又聽其自去者也謹條上十事一曰戰陳二曰守禦三曰通使四曰降胡五曰練兵六曰撫民七曰撰將八曰賞罰九曰議政十曰德學

景帝嘉納壬申遷司經局洗馬定之又上請遣使奉迎命禮部會議行之丙子轉右春坊右庶子天順紀元改通政司左參議兼侍講是冬進學士甲申遷太

常少卿兼侍讀學士克副總裁官成化丙戌簡入內閣參預機務明年秋升工部右侍郎又明年轉禮部左侍郎俱兼學士卒年六十一贈資善大夫禮部尚書謚文安李文正公叙其集曰譬之山焉出雲雨產寶玉生材木禽獸而朽株糞壤亦雜乎其間斯足為嶽為鎮譬之水焉吞吐日月藏蓄魚龍變現蛟蜃而汚泥濁潦受之而無不容斯足為江為河為海若句鍛字鍊探之有窮取之無餘不過為孤峰絕澗而止惡足以成其大哉文安伸紙運思揮毫對客正書或不移日稿不易幅及登秘閣折疑義稽古訓或

放奇正迭

百詠百詩或一揮九制凜演迤頓挫奔用變化不窮昔漢劉向宋劉敞皆博極群籍未見用若文安晚始大用用亦不久功業未竟而其文大鳴于時固一代之盛哉廖道南曰予自兒時五洪家君嘗誨以文安之受教于石潭君也雖古人亦無踰焉乃取呆齊諸稿讀之郁郁乎盛矣及閱國史乃見其昌言直氣卓不可撓沛不可禦昔人所謂此皆節義文章可相屈耶惜乎用之既晚未究厥施西涯其知言哉彭韶贊曰天資絕倫八面受敵高古渾雄變化莫測經筵講官太子洗馬三疏抗言援筆立寫惟



原件短缺

P38 以後

公之文名重天下豈但當時愛而不捨至今後人詞  
林定價

文淵閣大學士劉珪

劉珪字德溫山東壽光人正統戊辰進士選庶吉士  
授編修景泰丙子預修寰宇通志轉修撰天順改元  
遷右中允侍東宮講讀

憲皇登極以宮寮舊臣擢太常少卿兼侍讀預修

英廟實錄進太常卿兼侍讀學士甲午陞吏部侍郎

老經筵日講官乙未簡入內閣兼學士丁酉陞戶部

尚書

尚書

年加太子少保文淵閣大學士文華大訓成

